



勉菴集

二十三

續集



共二十三

~16  
2374  
23





和  
2374  
23-23

勉菴先生續集卷之一目錄



詩

謫廬偶感

黑山秋懷

月山古蹟

七月既望泛舟前洋

講會拈韻

次薇窩原韻

仙浦精舍

矢島逢鄭玄壽



次錦岡齋原韻

步韻贈柳希興遠重

藍浦路中

玉山雅會

悠然亭

贈別趙聖魯學洙

崔日助濟昂 崔淳若濟立 二君來顧拈韻

贈別曹景行秉良

書

答李懋卿德玉

答安舜仲孝濟

答安聖和教鉉

答柳聖瑞煥蔚

答鄭希清河滌 ○二

答金仲浩滿

答金仁善恭權

答趙仁瑞德浩

答趙平汝秉憲

答趙洛中龍慶

答朱鎮祐



答張君石 柱臣

答南德老 相奎

答朱 尚源

答權重彥 晚熙

答李羽一 鶴九

答鄭景晦 在懋

答鄭士恒 淳哲

答權景孝 參鉉

答閔漢卿 佐錦

答柳善一 相大

答李聖洲 億純

答魏致均 啓斗

答朴致範 奎和

答吳道範 啓烈

答趙應元 昇鉉

答趙和一 永萬

答趙成汝 章燮

答柳陽中 健孟

答趙聖魯 學洙

答趙敬文 寅錫



答李德卿 轍濟

答金子行 景源

答任士範 德鉉

答盧而中 瓚壽

答黃伯憲 度堅

答韓景春 晦善

與李子和 鶴在

答李士亨 鍾元

答權 球煥

答權明極 秉浚

答權道中 麒煥

答文漢元 滋鎬

答林熙瑞 顯周〇二

與吳敬魯 在烈

答宋殷輔 鍾秀

答李行源 沐信

答柳子強 健永

答吳允克 膺勉〇三

答曹景祚 基承

答趙仲禹 炳鎬



答吳瑞文 鼎球

答洪文郁 憲模

答蔡于範 洪斗

答全周卿 炳鍋

答宋旭在 學周

答李昌顯 斌圭

答金友三 益炯

答蔡德仲 相憲〇二

答金景彥 明洙〇二

答李禹瑞 昌懋

答吳景顯 錫謨

答鄭子範 箕錫

答宋文一 榮會

答宋文五 昌燮

答鄭希曾 孝錫

答李基榮

答姜允卿 祚永〇二

答姜性甫 天秀

答姜行一 學秀

答宋可英 光烈



答洪淳翊

答尹聖若 哲模〇二

答朴應八 圭元

答李仁化 載赫

答宋允良 相弼〇二

答車亨衢 大輪

答張亨五 奎燮

答崔錫羲 永昌

答李永三 潤龍

答劉聖元 昌普

答李希舜 孝植

答宋教三 洛英

答崔汝欽 明根

答金壽卿 九鉉

答宋心原 性浩

答宋用直 養浩

答梁達五 杜聖



勉菴先生續集卷之一目錄

勉菴先生續集卷之一

詩

謫廬偶感

三姓開荒地五賢配食場餘風猶不沫與感春暉長

黑山秋懷

半壁孤燈獨不眠蒼葭玉露曲江邊心懸故國傷多  
病跡滯殊鄉感逝年

月山古蹟

客帆重過黑水西欲聞前事摠依迷瘠岡勢壯排城  
石窰谷聲傳入海溪五畝來麻今日莖一園礎塔舊





時堤衣冠文物隨流盡只有閒禽古木啼  
瞭遠心田潤躡危脚力加濯纓臨海澗沽酒倚巖家  
絕域休言苦勝遊亦已多坐來眠暫假嶺路日將斜  
七月既望泛舟前洋  
高城昔日地形佳萬里風烟捻一家却怕西戎容易  
到故教層壁後前加

講會拈韻

自我占便屋漏前數三村秀日相連幼能辨字初移  
步長亦開心漸達泉大著力時方有進不容私處易  
為賢喜看朝夕營營地優誦遺經各一篇

次薇窩原韻

當日命名義諦微陽秋一脉寓斯扉天公亦念翁之  
意送雨首山春蕨肥

仙浦精舍

遜迹何年卜此溪一區形勝可登臨邂逅道人如玉  
地樓遲遠客斷金心大水平鋪無際月隔村亂落有  
聲砧半宵聯榻真非偶悵悵離懷也不禁

矢島逢鄭玄壽

舊時  
儻從

失業人多擇地深參差小屋水前臨蕭條我已今時  
樣漂泊渠能舊日心數弓渚掛高低舶百室村喧斷



續砧可愛居民閒自在江風日月取無禁

次錦岡齋原韻

錦岡泉石闢齋新獸食乾坤德有隣詩禮諸君方進  
步願言無作半塗人

步韻贈柳希輿

遠重

念我守愚鷺結鄰鹿豕場無人款柴扃撫世徒悲傷  
之子遠來尋三宿輸肺腸觀行溫如玉持論凜似霜  
蘆翁繼絕學私淑遍嶠壘確論分道器篤工日敬莊  
愛君瑚璉姿早歲已升堂何論門庭別所趨同一方  
恨不隨朝夕磨切補短長

藍浦蒞中

偶然遊屐屬殘春歷踏名山不受塵最愛從行三兩  
子早年能學卷中人

玉山雅會

愁看鰈域塞榛荆行到湖山風雨晴青眼主人多晚  
福白頭遊子愧浮名十年交契知無間一夜論心瀉  
不平幽禽亦解離懷苦隨處綠陰正友聲

悠然亭

十里攜朋趁夕陰貞松傲竹自成林簷楹如昨人何  
在流水聲中萬古心



贈別趙聖魯學洙

餘年能幾許非復別離時  
衰暮方多事蒼生亦可悲  
間關千里遠容易數旬遲  
臨風徒慷慨舉目淚先滋

崔日助

齊昂

崔淳若

齊立

二君來顧拈韻

半世光陰逆旅中  
水鏤指畫搃云空  
疲軟何曾輕冕  
紱踈狂自爾解樊籠  
失時未濟羣生苦  
得意焉教四海通  
百年宗國無窮恨  
謾付親朋數夜同

贈別曹景行

東夏

蓬門欣握况如新  
舊迹商量度幾春  
百折公私論去  
地知君不負卷中人

書

答李懋卿

德夏

○乙巳

時事出場畢竟如是悠悠蒼天此何人斯  
此漢處地既不克前此致命又不能入山蹈海  
淪沒名字則到此地頭息偃在牀又非事而  
道理待喘氣少却寧死於道路擬作奔問之  
舉而彼人橫逆之侵亦當在所不辭未知自  
俯觀言之認以為何樣行止也

答安舜仲

孝齊

○乙巳

下載阻闕典型或不可記憶而惟日夕耿耿者心也  
年前南遊豈不欲一造仙舟而行李甚忙竟失所圖



迄茲悚仄如負大何即拜先施惠問謹審比來尊體  
萬護何等仰慰之至第讀來諭傷時憂國之意溢於  
辭表此固忠臣義士沫血飲泣之秋而以若執事平  
日秉執其何按住令季氏遠顧分外驚喜而言論氣  
節深可敬服是知嶠南禮義之風養得吾執事兄弟  
也甚感甚感益茲頃被 召命與疾赴 闕隼手片  
言竟未能感回 宸衷終乃爲日人所逐歸臥湖上  
萬緣都消病廢人事復何言喻但一息尚存逢此危  
急中夜仰屋只羨萋楚之無知也涯角相望拜晤無  
期臨紙尤切悵黯伏枕倩草唯祝因時保重

答安聖和

教鉉○甲辰

戀誦在心珍緘入手得之若驚不覺千里之為遠而  
足以慰積年之懷也謹悉伊來靜履起居康衛大度  
佳勝遠外翹祝美踰於是何教文字揆之以敬入祖  
考同已祖考之訓則斷當盡心義揮用副盛意而鹵  
莽草率技止此耳奈何奈何鄙人寄在陽界大小人  
事宜其隨地塞責而前於 因封未克叅哭後之園  
城又若翹然人事天理可謂掃如生不如死其是之  
謂矣只切悚慄耳

答柳聖瑞

煥帶○壬寅



昔在穎林獲侍先丈於衆中反覆上下於章句傳註之間而蒙被眷愛者歷歷若昨日居爾爲五十年光陰慨世事之日非歎前輩之益遠未始不徘徊企慕欲從末由迺者執事賁臨窮廬信宿款款輸悉肺肝又申之以金石之役雖甚鹵莽言念詢莧之盛不容但已故犯塗乙竊以寓山洋之感非欲十分入用茲承不棄因仍露刻致煩往來者耳目則命辭工拙置而勿言得無貽累於先德旋切悚仄貴族文字亦其以本孫或鄉里長德耳目所親炙者擬實摸像事甚得宜而乃反遠地跋涉謀及賤陋則尤非所敢聞也

答鄭希清 河源○庚辰

一幅先書仰見座下所以自處而處人者深以古道底盛意珍感無可言只以多少稱謝雖宿德先輩所不敢當者施之賤身則殆不著題也斯文不幸蘆沙大爺奄棄後生聲氣攸感普切殄瘁矧密通門屏親承馨歎者乎惟努力進修不墜緒餘是後死者貴耳未知如何僕積年瘴海支體筋骨莫不受病 賜環歲周迄可少愈而一味頽塌無足仰塵只幸老親猶保晨夕供歡回念往事殆同再造是為慶祝耳

答鄭希清 辛巳



自有往覆以來雖不能至心嚮往之靡日不勤迺於  
客冬特奉厚存濯手發緘爛其盈幅顧此遠書替面  
未甚容易且知賢季留連京邸可既付覆以謝繾綣  
而非只蹤跡之與世相違兼以麋鹿之性習成踈懶  
稽緩至此中心如怒殊不淺歎丹葩陽林日就暢茂  
伏惟靜體動止一視萬相高山流水登臨徜徉洗滌  
不齊之物累深得智仁之清趣有獨覺其安閒境界  
而人不及知之妙矣恨不得褰裳遠從承其緒論之  
萬一耳僕將老猶過無足仰瀾最是氣稟頑鈍識見  
鹵莽於自己身心上頓無一分得力况於身外事有

何可言所望聲氣相應底若爾知朋因事警惕無至  
越視其爲受賜不亦多乎千萬千萬季方迂路枉顧  
信宿叙懷甚覺鄙吝之悛祛旋即分鮮尤切冲悵

答金仲浩

滿○戊戌

益誦念愆尤杜戶待盜或嘗念及於蘆門諸子之賢  
未始不嚮風馳義采切執鞭之願也迺蒙執事不以  
鄙夷辱以古道拜擊跋踏雖不堪當自不覺隱然感  
服於仁人君子開示心曲與物皆春之盛德厚春也  
况伏聞七旬稀齡堂候康寧怡愉侍側不撓三公人  
間盛事天下至樂美以加此欽艷馳誠實倍常情鄙



人少壯不力老無定見且丁板蕩之際凡所撞著無  
往非疑端逆境而索居窮廬無從就質何幸執事引  
置拂拭之列而樂與上下則政宜隨處糾繩因事匡  
救俾免大何政是實心顯祝耳

答金仁善

恭權○癸卯

春仲虛枉夏末俯訊辱慈用意何等繾綣自我所處  
便若昧然雖或恕量心豈可安茲蒙不較荐以金玉  
勤怠之別又不啻三十里也謹悉伊來靜候動止神  
休愷悌麥歉驛騷雖屬過境登場秋事亦非少康則  
吾輩之苟全性命等是危境奈何奈何然形氣私事

也近不過百年道義公物也遠貫萬古則今日之所  
當急急者置在於親書冊講倫理不負帝畀之衷而  
如愚老顏已無可言至如座下則尚不無向前勇邁  
之將來歲月須千萬努力以光斯世乃朋友之望也

答趙仁瑞

德浩○辛丑

猥蒙不遜荐承德音是知君子之交以心不以面也  
顧此老拙不亦榮乎但每加推獎喚做別人則決非  
賤子之所可安也尊先農隱公神道之刻以若盛德  
大節始議在五百年之後者亦云晚矣然揄揚巨筆  
自有其人胡乃不量之甚而見託於不堪嘗之地耶



拜狀惶縮不知所以措辭也伏惟比塞尊體震良更  
何若及此同衰暮恐無拜晤之道浩喟浩喟益病枕  
斃斃頓無佳况算綠虛名枉費諸君子跋涉之勞尤  
庸愧汗

答趙平汝

東憲 壬寅

示喻多少拜領以還尤見其老而好學孜孜未已程  
先生而在者豈不莞爾矧所述三箴意完言足無可  
加評苟非體認講磨之力有積於中烏能發於外者  
如是其霽霽而無壅滯耶甚感益衰頹日甚日用事  
物大忘小遺去鬼門只爭絲髮良庸可憐耳

答趙洛中

龍慶 壬寅

曾蒙賢胤推老老之義待我以門父兄則我之於執  
事其所嚮違曷以面與不面而為異同哉茲又執事  
不拘小節惠以珍緘綢繆繾綣有同說門內事心焉  
感領不知為謝蘆翁青天白日也喙喙爭鳴固無損  
益又彼嶺李事今於是非大定之日突爾提起政見  
其自納敗闕不須較焉至若荷掛通章奔走道路又  
非吾儒法門幸須斂戢勿庸對舉未必非千慮一得  
幸加三思

答朱

鎮祐 丁亥



稽顙再拜言其得罪神祇禍及先考日月不住襄奉  
奄過俯仰高厚只切因極茲於料外伏蒙垂存審問  
來尊體動靜一視萬衛仰慰十分教櫛埴無聞四字  
是正孟子所謂終身憂也于以見執事工程隨處提  
撕到老彌勤而所以警發愚昧者多矣至若草萊坎  
壟從古名碩證人固多安知一時之窮不為百世之  
仰也遠紙替面無可供笑猥煩及此可補他山之一  
助也耶且承與弊宗情到會數甚庸款曲尤可見及  
人惠物之意出尋常萬萬耳

答張君石

柱臣○乙巳

時事日乖顛覆之禍並及於宗初剥床之災將迫於  
君親伏屍百萬流血千里不足喻焉則周餘黎民于  
何依賴而圖斯頂之命乎同舟遇風無可扶引漫陳  
衷曲竊想左右情緒亦或一般也某虎窟餘喘去益  
勃勃顧欲為滅影逃走之計而奈一天之下四海之  
廣無可容身何只切苟全之耻也

答南德老

相奎○乙巳

時象到極歛荒因之竊惟仰事俯育心力俱勞何以  
打過為之貢溯不任願言示修身處世四字自救不  
暇有何餘美可以及人而塞詢莛之盛意乎顧今三



綱壞矣五典隳矣凡生民常性墜失無餘觀於易象則政剝極為坤之時也君子小人居剝一也而此有得與之吉彼有剝廬之凶者何也蓋君子之道窮則獨善其身達則兼善天下無所往而不通小人之事至則與氣俱生死則與形俱盡無所稱而可繼也此依於道而彼依於物故也特以道無聲臭影響之可見故不知者以為有之無而加無之無所損也殊不知一日無此則無以立於天地之間而參三才之列矣此於座下為已見之昭陵而相愛之地漫庸及此庶或見諒臨遞走草

答朱

商源○乙巳

客臘惠幅歷三個月而始入眼盈紙滾滾使人忘倦第青氈舊亭鬱攸為災其在詞述之地悶迫當如何緇衣之謂好賢以其蔽予又改為也祖先遺躅不容泯然則經紀堂構似不可已者而竿頭事力又豈容易者耶為之貢念記末當茲岌業之際擬欲一次奔問之計久矣而適有累次 召命率爾入洛待 命數朔竟為內外賊輩所疾首驅逐而歸竊恨為臣無狀辱身辱國至此甚也

答權重彥

晚照○甲辰



前此付覆竊計已獲關覽即因鄙宗更傳前札洎先  
狀草藁遠地實咫尺也謹悉聞來起居之萬衛日俄  
驛騷雖甚疾首兩麥免歉民情少安是亦天心仁愛  
之耶及而靡哲不愚安危利災而曰時運所關者誠  
不知其何說也鄙人喘氣未息長在圍圍中老而當  
去理勢固然何足憚然弁文一款言念俯詢曷不欲  
盡用力而奈見拙文短何幸一啣領頃或嶺下大方  
家別地揄揚以光先德似甚得宜未知如何

答李羽一

鶴九〇甲辰

蕭寺相從久愈難忘今覽手墨庶若酬接英眄而至  
其疾恙魔學問不勝駭耳治恙如修身正其一身主  
宰俾和神氣而心氣不雜則外至之病自可消磨用  
工日就矣及此年妙時十分加勉於趨庭餘力進步  
寶地是所至望噫此老儂瞻四蹙蹙不覺涕淚漣漣  
而滿腔熱血無地可瀉現狀何足道哉

答鄭景晦

在嶺〇癸卯

南為一事準擬久矣匏繫窮廬末由遂意何幸天借  
其緣得與僉君子周旋風詠於水聲山色之中消融  
得萬斛塵累者未始不自許以平生一大業歸臥周  
歲未嘗一日不往來心上地雷始動竊惟省餘體事



神休愷悌感課在何書前此來示切中近世學者之病至若讀古人書行古人行尊畏講明云者則尤是切近議論政不可以歇后看也蓋手不知灑掃之節而口談無形影之性理何補於事曾見古聖賢教人法門曷嘗以是爲入頭下手處者耶只見其昧於先後本末之序也鄙見如此未知如何

答鄭士恒

淳哲〇乙巳

左右家世淵源孰非不足而兼之委禽法門師資有地此皆夫人所欲而不可得自茲以往苟自奮發晨昏靡他則何古人之不可及也千萬努力病末衰敗

益甚過境接應漫不記何樣及見來示多少歷歷如昨日事尤以見左右綜核細密之一端也

答權景孝

參錄〇乙巳

客歲勞訪至今感荷而無路更討適茲崔生至不料珍械遠復存問奉玩辱回殆在紙毛仍悉侍饌佳迪玩味有相實副遠祝賤狀衰敗日甚自恨符到之不速而時變漸極無力可救浩歎奈何尾託顧無暇及未酬盛意或可諒恕否

答閔漢卿

佐錦〇庚子

向蒙尊慈不鄙枉顧樵牧之社雖屬凌遽未克盡情



英音雋標完在耳目間殊不可忘即奉珍緘敬審至  
寒侍餘體事對序增衛大度休勝遠外翹誦曷可言  
喻記下三夏歲月費送逆旅來尋新寓見在凡百都  
屬草創未知何日悵得定頓人生百年真可笑教意  
非不欲竭力效忠而素之工程依樣塗乙尤切悚仄  
耳彙選弁文瀆博求善手用副尊師門至意者政是  
穩當決非賤陋所敢擔忝諒之如何

答柳善一

相大○巳亥

所詢雖感盛意奈非其人何栗翁說固不記原文首  
末槩想本之以性善而繼言其發之善惡由於氣之

清濁又其言清氣之發則謂之循天理而直出言濁  
氣之發則謂之爲所掩失其本體意已躍如農翁則  
不及性善而只管氣之清濁上說去故有此異同活  
着則無礙泥着則非特此也徃徃有說不去處幸加  
反覆然僕素沒工程今茲云云殆同責視聽於瞽聵  
耳何敢強其不能而上下於懿文之地耶重以年來  
憂患病故殆不寧靜只麼殘質漸削殆盡無足仰塵  
只有符到二字是次第事也悔恨何及

答李聖洲

億純○辛丑

白露蒹葭秋色百丈是時懷仰尤切尋常即茲賢胤



從昆季聯袂左顧珍緘落案謹審日來靜養棟候神  
休愷悌大度佳適遠外翹頌美踰在是只歲屬大無  
百萬生靈盡在漏卮中不獨一人一家事俯仰感蹙  
政切無疆之憂也某依昨潰劣無足仰塵只無補公  
私苟全頑喘者令人可愧耳

答魏致均

啓斗○壬寅

不面致訊未嘗非古道而至其浮實過情越分獎借  
殊非誠心待物之本色茲承先施措辭屬句極有瑟  
縮不敢安者豈或座下逆揣愚之性情素是悅人贊  
已而不樂於朋友之規警姑為此枝葉之旨以探其  
自待之如何也耶甚為座下不取也僕天質樸陋頓  
無寸長片善之可錄滾來滾去虛喫七旬光陰到今  
追悔無術可補幸座下視為之前車勇加勉厲

答朴致範

奎和○癸卯

示孝烈文字追思不起未知遣辭之云何而貽笑倘  
人應多不少今茲云云無乃好不知惡之病也耶萬  
事有本有末紹述闡繹孝之本也文詞粧撰孝之末  
也以座下之明其在此等去處乃已見之昭陵而遠  
荷厚眷聊以貢愚庶應照恕

答吳道範

啓烈○甲辰



聖后賓天率土罔極前此浪跡雖不足言其與嶺湖  
僉君子猥聯驂轡得以周旋上下於水聲山色之中  
而消融得幾分鄙吝則笑顧平生事之可向人言者  
莫踰於此歸棲歲周殊不可緩乃執事置之記戀寵  
以德音慰瀉倍百不容云言時象同舟遇風等是兢  
凜而顧此殘喘不遑自恤何暇有妙美可以及人者  
耶只切痛哭而已

答趙應元 昇鉉○辛丑

未面而書古也而今之君子不問虛實只信道塗專  
事浮誇此固放李文勝之弊而不意座下之亦此雷

同也千里一緘豈非可感但書中推獎雖伊傅畢蔡  
程朱道學無以過之奉讀未半自不覺駭汗之沾背  
也望頃旋改以安賤分如何第因華宗僉執事略聞  
座下事行之梗槩蓋所謂溫溫恭人維德之基者也  
六旬暮境尚患其學不知方無所趨向是蓋撝謙之  
過而平日存養省察之工其亦不可誣也欽仰萬萬  
恨無由一奉芝宇耳農隱公金石之託并世宿望非  
無其人今乃謀及於不佞何其踈濶先事若是之甚  
耶早為改圖俾無後悔恐為雲仍之正當道理也

答趙和一 承萬○辛丑



向者會合真所謂五百里賢人聚揆分濫稷感悚文  
摯示喻津津雖出相愛之惻節節句句都是題外說  
話使人不可正視善善其長惡惡其短未始非先民  
遺訓而在今日吾輩相勉之地只當攻闕矧愚俾免  
大何乃以德之愛豈容漫用好語掩遮粉飾如一種  
時俗人為欲殊非所望於執事也益偶縈疹感咳嗽  
頭痛失眠諸證交作凡干營為百不八量亦是符近  
消息只可任之而已

答趙成汝

章變。丙午。

淵齋老爺奄爾殉身君子氣塞小人涕零矧在門人

弟子之列而其所憤惋痛疾思欲為一舉訟寃之計  
者曷有其極即拜珍緘滿紙津津令人忘倦記末有  
覩苟活其狀可憎而猶有忠義之未泯則姑不知來  
頭作何許樣耳

答柳陽中

健基。壬寅。

雙七往事依若夢境茲承提及老少昏明不啻天淵  
相懸從審年來重侍起居連膺百福經腴史馥晨昏  
事在有見於言意之表者甚盛甚感示諭以一人而  
正千萬入之心云者題目鄭重當朮在簡冊中不可  
以一時人浮譽浪誦率爾議到則今茲云云適足為



賢者一言之不知也幸加審擇勿為傍人譏嘲千萬

答趙聖魯 學洙○甲辰

泉寺奉別三載于茲謂外惠墨忽墜於戀德之際讀之慰滿可當面晤第惟年來期功之望似非一再此何德門之厄耶極可驚愕且審靜體多愆久未勿藥貢慮曷已記下年踰望八百病交侵日夕殄殄只俟符到苦悶奈何詠歸亭重建可見賢者誠力所到不勝欽仰而原韻昏迷中粹難奉次若或稍惺豈不露拙呈營狀文寔出於憂念民國之苦心然當今上下征利之日必無採納之望且稅歛之厚薄也加減也

必有小民之齊聲呼訴者恐非書生之認作已任自為狀頭者也

答趙敬文 寅錫○辛丑

春初霎奉進若夢境温良愷悌之容何嘗一日可忘得此惠訊可當百朋况其文辭條暢足令人三復無斂者乎敬審別後屢箇月侍餘學履連得清勝深庸仰慰愚之空空座下已見而知之向來先銘猶是做錯今又欲貽累於農隱公盛德大節而託以神道碑文何其僉議之誤耶因此而得接小山顏面是則可幸而數月促膝勝讀十年信乎名下無虛士耳僕衰



暮精力如日下山勢也奈何

答李德卿 轍濟○壬寅

月初避暑入雙溪羣秀鼎來獨不見吾友已意曩時  
湯憂尚爾未復奉念曷已涼生不遠壽骨隨堅會當  
有喜是祝是祝齋記重遠勤託數行墨豈曰文乎  
聊止表情且冀萬一於講習之助矣頰問疑禮兩端  
吊禮云云問意未達父服喪而亡其子代父服祖已  
有先賢定論耳

答金子行 景源問目癸巳

持心太迫反生病痛若慮此而持之稍寬則下稍

只成閒悠悠初學下功在此最難

此在用力於非著意非不著意之間却就勿忘勿助  
上著實體認久乃得力

陰陽五行為太極之體是何義

陰陽五行非太極之實事乎體是體榦之體

大本與一本愚意以為大本以心言一本以理言  
大本有方一本無方所

一本與萬殊為對大本與達道為對此論理論心處  
地頭隨異而其實一本與大本只是一理大本有方  
四字恐涉語病



先考終身

仁智互為體用

義精仁熟則道理橫着縱着皆無不當

答任士範

德銘 戊戌

左右強壯而日進僕則老衰而日退寒暄外宜有貴勉之語而反加獎詡之辭殊非所望於左右也杜門讀書此政今日究竟法門未知尋數節度近在何書少壯難冉寸陰可惜勉之勉之

答盧而中

瓊壽 〇乙巳

省禮疇昔邂逅依若夢境茲乃天不佑孝子先府君奄棄志物之養竊惟孝思純篤何以堪居坐在涯角

又地奉唁不克以時雖云昧然心其可安晨昏饋奠偏闡承奉想不暇給經禮課程能日有事在否溪庸勞祝僕數朔旅邸幾為犬羊輩口中物事壽而多辱其此之謂也

答黃伯憲

度堅 〇戊子

稽顙賢胤逋叩華問八眼披展三復恍若對悉從審伊來日月屢更經履動靜一例衛重自治之暇教授後進趣味津津甚感甚感前此俯教先誌雖曰奉諾自知見闕謏文辭短拙一邊趨趨不敢計料茲承提起無辭可諉謹依表文摸倣點綴以塞盛意至若



碑面刻本又全昧運筆不得已使家兒代手雖欠誠實稍勝乃爺幸亦恕量長短尺樣不必膠守定本只以目前所見為不大不小之制似亦未為不可耳孤子罪逆溪重昨年五月廿四日遽嘗大故轉眄之頃已過練制俯仰痛迫固知所喻

答韓景春

晦書○庚子

四境腥羶感感靡騁塊居窮戶瞻仰非虛語也新正所惠珍幅閱八九盈胸而始乃入眼槩審伊時起居之萬衛郎茲冬令雷雹甚乖伏惟經履啓處更何似來示滾滾讀之爽然令人忘倦而其所依舊吹噓尤

非所望於座下也齋記中句語失實未記本文之如何而從長改撰亦以德之愛幸勿推讓以其本寄來則當移錄鄙稿為定本計矣未知如何

與李子

和鶴在○甲辰

鄙人性痼懶散才疎筆研重以昏惰用事往而無復者十居八九不獨座下書為然而傳聞不如實見則得無以太簡致惑謂人心不如我心之歎乎即因樊宗鳳韶遠役始聞座下方在哀疚中十分驚惶罔以為喻千里匍匐尚矣尺紙替慰未克趨焉是可曰故人情諒乎溪庸汗赭耳只時象板蕩四方八面無甚



免者終身  
異同而若爾吾黨頓無安身歇脚處悠悠蒼天此何  
人斯長歌太息之不足幾乎發狂以死也想賢亦同  
此懷也

答李士亨鍾元問目 辛丑

無極太極云云

觀朱子註非太極之外復有無極也云則已躍如矣  
第二而一一而二者謂理與氣之不可相混而亦不  
可相離也以此分貼於無極太極上太不著題本末  
體用亦非可論也下段無字極字上歸重之說恐  
得之更詳注意

仁義陰陽剛柔云云

仁以生義以成剛而主宰柔而順承蓋非温和底意  
無以生其始非剛斷底意無以承其終故固不可如  
是分屬然有以統體說有以分對說有以德言各有  
地頭蓋潛究焉

在物為理處物為義註上下段說云云

在物為理處物為義從自家處置上說在天為命在  
義為理從心性源頭上說固不可混者

眾人聖人動靜云云

靜有取養動必以天聖人之德也靜無所養動輒為



咎小人之失也。要動靜一致，表裏無間，是學者之事也。今以小人之間居為不善者，屬之靜，則大不可閒。居或可謂之靜，為不善，亦可謂之靜乎？故小人上著靜字，不得所以。朱子以眾人揭說，此可知矣。先儒有謂眾人無未發時，亦此之謂歟。幸及有以教也。

答權

球煥○乙巳

前茲稽覆已矣，無及。荐奉委問，審德門不幸中饋虛席，竊惟蘋藻之禮，饋食之政，到頭悶切，非徒為伉儷之重而已也。貢念何既，僕日者經歷暫失，慮善而只取狼狽，不足掛齒。示諭云云，誠不識其何謂。愚之老

類無聞子之，所稔悉也。高難二字，豈不是好題目，而初無可資之本領，則是高也不過是好高之高，而是難也，亦不過苟難之難，欺世竊名，亦一愧汗處也。幸勿以老牛之不足加鞭，而時惠補聽，則乃真朋友之賜也。未知如何。

答權明極

秉浚○癸卯

遠蒙記懸，垂以德音，何等感慰。而褻如充耳，未達。自一年于茲矣，雖屬病淹，心其可安。即茲陽復，省餘經候，對時鄭重，寶庸勞祝，僕衰狀日促，決非久於世者。兼以元來多謗，蹤迹重得一層題目，其為一隊人



舞弄低仰繁可想像而要之只患在我本領無實見  
得是非而已外他紛聒何足置意間耶來示津津足  
見其憂深慮遠而此猶閑漫說話惟就吾一心上做  
切實工夫此乃今日急務也未知如何

答權道中 麟煥○已友

前此猥蒙尊從枉存弊廬半日談叙得未曾有別  
來歲久雖近忘域時一念至只切人選之歎茲承先  
施世爭之變幻遽如許回戀疇昔自不勝泫然釀涕  
未知其子若孫有幾箇俊彥克述詩禮有足無憂否  
某少壯蹉過老益衰頽前後作爲一無可向人道者

而每承遠朋匪分之教殆惘然失圖不知爲謝耳

答文漢元 澈錫○壬寅

荐奉委問謹悉伊者靜履衛適何慰如之僕驅馳餘  
喘幸免大何而無事奔忙誰其使者反省瞿然益歎  
所養之無定力耳至若左右年方富有前程甚遠幸  
抖擻振厲勿或間斷則自見有好見識實踐履昭然  
呈露不容問人矧有賢師友布在遠邇講疑就正綽  
有餘地者乎勉之勉之發行之期一日爲急而不得  
已稍待涼生耳惟冀進德加重

答林熙瑞 顯周○辛丑



頃者數日周旋得在望外客土餘懷倍覺爽朗殆愈  
久未已茲奉九月六日手命驚審德門不幸喪變存  
因雖屬過境傷懷增惕倘復如何人生百年存沒憂  
苦自是所不能免者幸因地順理不至致愆千萬千  
萬僕三夏病暑餘證未退秋冬以還宜可少蘇而一  
味矻矻小無惺惺時節嶮巖本色謂之奈何南行一  
事心雖切矣而尚不能遂譬如秋天病鶴覩天翩翩  
良覺可憐耳重以畿湖年形便屬大無道路驛騷物  
情翔貴去益危怖要之不出戶庭者為小貞之吉耳

與林熙瑞壬寅

觸肩潦暑遠于將之此意良勤何可忘也即又有日  
未審是際靖候震艮一例衛重單內諸百並若何溯  
念靡已揭板頭辭商量奉報計矣及至路中間宜寧  
通章頗有得捷方張之勢則為其脚下門生者露出  
蹤迹顯人耳目似於事體未安姑此斷念以待衆議  
妥帖之後似好故將此事機姑且仰悉諒之如何僕  
屢日鍛撼之餘精神尚在圍圍只幸家眷無顯故耳  
與吳敬魯 在烈○丙午

山門分辭尚今依耿轉眄之頃時事至此曷歸之歎  
想亦一般某業海殘喘隱忍苟全未敢為溝瀆之計



者誠以謀事在人成敗在天而意或有忠義奮發不能自己之若干志士同聲相戒而有以為弱彼彊此之地也茲以仰質幸加深繹

答宋殷輔

鍾弼○癸卯

即拜珍緘謹悉伊來靜候動止神休愷悌大度依昔何感如之僕經歲故土伴春歸棲衰境務憊多出不同意叫苦度日良覺悶然教遺世求古四字于以見皎皎物外之高蹈而顧今時象日就痼肯非升天入地則似不得容易除却謂之奈何要使天君泰然雖千萬人中常知有吾者所當反覆而玩繹也未知如何

答李行源

泳信

門內壅威雖屬過境遠外承報不勝驚愕讀字之役事累所牽自應如是而日用百為皆是吾分內事何須塊坐面壁然後始可謂工程也耶聖人所謂餘力學文政此之謂也惟必有事焉而勿正云者當加之意也記末僅保劣狀內眷方且團會而憂患繼之良覺悶然耳

答柳子強

健永○乙巳

示諭云云頗令人有警省處立志既如是知道第次事也至誠取到金石可透何難之有後來喫得將不



可量由此勉勉以副遠望某老境伎倆無足仰煩曾  
以奔問之舉安自八閩畢竟取多少狼狽而歸不量  
而出者勢固然矣手戰不能詳

答吳允克

唐勉 巳亥

瞻誦方勤手命入眼感應宜其然乎謹悉夏令堂候  
萬寧晨昏暇餘存養佔俸日有事在爲庸欽誦民之  
無信久矣天所疾威宜其盡劉而奈讀書種子大同  
江乙之厄何哉令人兢凜示諭反覆殆謙之過也夫  
以高明秉心塞淵尚患若是矧少無得力老愈頽闕  
者尤當如何有同責警以丹青惶汗尤一倍也自春

以來家兒適茲出門細瑣指使轉動不得中重以兩  
南賓朋聯續責以無麪之飢不容逐一副應亦不可  
專然翹視自欺欺人咎實難逃奈何奈何日前又爲  
鄰友所牽往返壽春山中費過一旬所經水石儘皆  
竒絕雖金剛萬瀑莫以過之恨不與會心人同其筇  
屐評質景繁耳

答吳允克

辛丑

瞻注政勤際承哀疏客鄉孤懷倍切慰瀉謹審伊來  
侍奠體節連為支保大度依昨實愜願聞僕亦風樹  
幾十年追筭往事無往非負罪結恨處雖欲追補其



可得乎矧於幽宅不可求之而必得亦不可晏然放心而不為之致力想哀侍情境亦與此漢同其虞憂而無異同矣作庸關念何可少弛其老境人事去國離鄉殆萬不成說者而年老聽子畢竟了勤多有不協意者然亦臨死之年一未盡底風霜只當任之而已貴宗衰境遠役令人難安而遂事謂之奈何太極說愚非致力於此等者不敢容易左右而第待從容暇隙當加詳玩

答吳允克乙巳

執事老境也杜門養精安意調息乃其天定而誤為

弱水人所牽引于京于鄉衝冒艱險喫得多少勞攘者每一念至不勝汗顏至若此漢始也不量而入者固知未稍究竟之無甚好道而果見偏辱於外賊至此顛沛則其為疲軟碌碌無足與有為可知也乃執事強而附之於不敢擬之地不亦舛乎非只自家之瑟縮不安抑恐傍人竊笑執事之淺深也只歸棲以後放心偃息宜可蘓健而眩暈也滯崇也百證文攻寶難支吾將盡之勢亦甚無憾更何言喻

答曹景祚

基承○丙午

益老而不死坐見 宗社之顛覆而幾致身敵為之



舉者有百可誅無一可恕迺執事聲氣相孚過加拂  
拭引置不棄之科則誠背汗顏賴莫省攸措也執事  
之傾倒無隱既若是鄭重則雖甚蹇拙可無一言以  
奉謝乎蓋秉彛常情有生罔同而非我之得私則雖  
在匹夫之地而所以扶持國勢維繫人心為死中求  
生之計者未嘗非分內事也未知盛美將何居焉願  
一闡之病枕手戰胡草欠敬且在金友日悉

答趙仲禹 炳編○辛丑

昔者枉存雖在病淹迄茲難忘具友遠叩珍札入手  
拜擎三復恍然若親近懿文之末而承聆緒論也謹

審伊來經腴起居對序珍崇進修之篤存養之密可  
不出幅中而領畧其彷彿吾黨之光孰有加焉示意  
惡是何言也師友豈易言哉師言乎其教我耳友言  
乎其輔我耳雖先輩長者便所逡巡而不敢當者况  
如愚之蔑裂座下之曾所目擊而聽其言矣觀其行  
矣長短賢否有可洞然則只當處以蓬麻之列而付  
於不棄之科者在賤分為光榮於座下為審慎語非  
退托實緣衷赤未知如何

答吳瑞文 鼎球○乙巳

虎窟餘喘杜戶待盡茲蒙尊慈不遐副以德音感領



厚意不只以先施之迥出格外從審夏令願養體宇  
神佑愷悌閱理彌熟存養完厚甚庸慰幸教意津津  
令人忍愧不敢承當且夫近日不面之地或多加之  
以過情獎借大不著題者此亦伊來往復間一弊風  
乃執事在老宿之地隨衆雷同不亦過之又過乎深  
庸慨歎耳益少壯不力老而無聞頃者一著只做得  
倂虜二字何足云言

答洪文郁 憲模○癸卯

南北參商只勞夢想光陰如水已值龍戰謹審學履  
啓處一例珍衛單內佳勝慰浣沒量且承與諸士友  
麗澤相資講義辨惑日有事在當茲天地幾貞入紀  
壞敗之際其所以強此艱彼為萬一扶持之基本者  
捨此一著更有何長美耶可謂先立其大小者莫能  
奪甚感甚感損未崦嶽景色日月其異自顧伎倆無  
一事可對人言者少不自力潦倒至此蓋亦悔之莫  
及奈何奈何

答蔡子範 洪斗○癸卯

潦倒無聞重以老病未足備數竊蒙不遑曲垂德音  
三復愛玩不知為謝由是推之天下之善將于予而  
至於進德修業綽有餘地為異時大來基本者不於



座下求之而更於何地甚善嶺儒紛紛既曰儒論則亦可自備一說而究其根因只是一場傾軋餘習初無加損於蘆翁分上而世事難測未知末梢之竟如何歸宿耳

答全周卿 炳第○癸卯

時屬龍戰懷人益勤即奉珍幅恍若對展古人有捆屨而食者亦有耕稼而活者受人絆惹未克自在雖久使活規勞其筋骨餓其體膚燥濕清濁數有間焉且晨昏杖斂不置誦說是其學半之列者乎幸隨處盡心無得以為己為人作差殊者如何如何僕往境

苦惱可且勿言今年家計惟以疹疾從事夏秋滋味如在冰洲上只切悶然耳

答宋旭在 學周○乙巳

牛山一宵政是不意時值樓肩接面而止茹悵在心何可忘也既而虎窟餘生萬念俱灰則有時咄咄只自仰屋際奉惠訊讀之慰痛殆若沈疴之祛體也矧茲冬令靜體佔畢俱屬鄭重者乎記末金火之交百崇迭攻委頓床席已屬月餘以此就盡則庶幾快活更何足言

答李昌顯 斌 卷一○壬寅



有懷不見心焉如怒際承問字悉侍餘學履對時增  
嚮討論經旨收斂身心日有事在當此缺界其為欣  
滿何以加之甚盛甚感時象日就卑下殆無餘地人  
心所同能不於色只尊所聞行所知不得罪於聖人  
法門是究竟事復有何別般道理耶荷茲俯訊力疾  
胡草

答金友三 益州 ○ 庚子

貧賤憂戚庸玉汝成古訓即然而此亦有可堪不可  
堪之等分座下所處以愚耶料政是不可堪之境界  
也冬暖兒呼寒年登妻啼飢又重之以篤老兩堂我

水不充者乎自常入處之未有不隕穫失操念不暇  
給而每讀來訊辭旨安閒筆力肆舒頓無憂愁鬱悒  
之態此誠願學而未能處不亦歛衽者乎雙乎堂記  
非敢忘也榆境人事自多踈漏遷就至此第少待下  
回千萬

答蔡德仲 相息 ○ 辛丑

雖在病蟄耳坎尚存憑於途傳而冀霽麗澤之末光  
久矣茲於料表珍函落案讀之津津令人忘倦不啻  
狂寒而濯清也蓋海西栗翁講習之鄉而科舉利害  
妨奪多岐平陂百年遺韻餘澤幾乎熄矣天道循環



羣彥鍾出遠宗華翁近述省齋類聞夫仁義忠孝之  
實叙秩命討之顯其原根於天而不可易其體具於  
心而不可過講磨服習彬彬有洛閩洙泗之風重以  
毅友立門所以爲質疑辨惑之地者恆有餘師是殆  
天相斯文不遂爲永永長夜之消息也幸推其餘波  
加鞭老牛則受賜多矣荷茲勤念忘拙蚯蚓

答蔡德仲壬寅

病伏歔歔無可晤語忽聞戶外有剝啄聲亟延而坐  
而叩之則乃洪全二老友曾所慣耳者從以惠翰落  
前讀之灑然可敵對展矧於伊來省餘學履愷悌者  
乎長夜堅冰憂雖無疆弟子問學天應不怠幸勿以  
外至爲欣戚惟反求體認勿容間斷是眼下急先務  
也未知如何僕衰相日迫決非久於陽界者石潭之  
計徒有坐談曷云容易臨遞略伸

答金景彥明洙

古今同心昔人謂朝暮遇知居同國生并世而一段  
心畫聲氣相孚者乎但人非其人而施失其地者得  
非過禮之恭而一言之不知耶第此時象實今文古  
文既不載之大亂也將恐將懼惟汝與予底憧憧一  
念豈有彼我之別是則抑揚汲引蓋欲以責己之心



責人也苟非至誠惻怛同寅協恭之炳炳衷赤何以  
及此雖甚駑劣感戢多矣又有一事奉賀者毅菴友  
人以萬死餘生寄在異國安危未判天監厥衷使之  
驅泊本地新寓生受雖極可念爲西土君子實難再  
之會也萬望努力將進以光吾道也

答金景彥 癸卯

頭緒多岐開卷無暇是今人例談要其歸則無非自  
怠之言古之人何嘗有關門兀然不接事物而只對  
方冊者乎八孝出恭罔非吾分內事只當隨其地頭  
審得箇是非善惡而分別去取之而已餘力又學文

以廣其見聞者是乃知行之不可偏廢者也幸益勉  
旃

答李禹瑞 昌懋○甲辰

席香未散珍函續墜古人所云朝暮遇真逼境語也  
就審伊時御者利涉大度佳勝慰百常情蓋道在至  
近而人自遠之事在至易而人自難之故曰人人親  
其親長其長而天下平夫豈無理而孟子言之推類  
而長之自有好箇消息左右逢原而莫能禦者矣未  
知如何

答吳景顯 錫謨○癸卯



前者握叙謂適然矣茲蒙記存被以德音勤怠之別  
奚啻天壤示教津津有餘味足以令人忘倦非只寒  
暄例語之一場過眼竦然起敬竊有執鞭之願矣而  
至其稱人太過自處甚謙切非相長之道望即改圖  
南儒云云當茲大亂做出閒是非之東之西視若一  
大事業者誠可笑而不足恤也

答鄭子範真錫○庚子

榆境伎倆令人可憎昨者取為今忽遺忘坐隅童子  
每失其名茲以來書言之再三思然後始依稀若  
夢中人事甚矣其衰也示多少貴言以其入合有可

毀之端而然何常以無為有別生事端致中外之喧  
藉耶只宜反身自訟而不敢有清脫之計也未端若  
千句恐不當如是為題外語徒增時人蹲沓而亦非  
事面體例也未知如何年號一款揆以聖人知禮之  
訓則恐不可容易形諸紙墨

答宋文一榮會○壬寅

頃歲賁趾餘感在心不容弛忘荐奉手命屬意侃侃  
只茲一事有以見左右篤於故舊之梗槩也由茲以  
往引而伸之觸類而長之天下之人將于于而來告  
之以善其於講疑辨惑之地綽有餘師彼百千鼓發



何足以亂我靈境而至其爲之方則布在方冊昭如日星惟在加之意而已未知如何僕有事故山力疾來止動經一朔而路憊餘證尚且未祛良可悶然

答宋文五

昌發○乙巳

前此惠訊忘域久矣一往一復美嘗易事而奈筋骨萎憊神精澆散不能運筆締思何示喻云云有若問日於瞽也此事爲之在我不似單方妙劑之北廣濟局也故曰仁遠乎哉我欲仁斯仁至矣是於高明亦已見之昭陵而漫茲布及可見愚所存之幾如也友豈有老少之別乎隨其病痛時加頂針是誠顛望耳

答鄭希曾

孝錫○癸卯

昏妄用事目下酬接大念小遺去冥府不遠茲蒙厚春垂以德音讀之滾滾意想甚好將此本領擴充將去天下之善皆歸於我于以爲進德修業綽有餘地曷容欽仰但言有枝葉不若行有枝葉來喻爲學求道守志處世之方云云豈有捨此聖賢成法方冊所載平易坦蕩之道而別有一條玄遠幽深底階境也耶只爲之在我而已非如醫方藥料之特外而已幸加反省僕無聞添年百病交攻要其大槩只一語尸食神似此貌樣豈曰陽界人物乎只自悶憐



與座下別久矣昇平時節尚可頽結况時象泮澳朝  
夕難保餘喘漸削與鬼為隣而逢迎未易者乎只切  
詠歎珍緘入眼趣味津津尺蔡拱壁未足以喻其珍  
豈謹審伊來履用萬重授徒講義不失舊步是亦濁  
流中清凉家計為庸頌荷某首丘之境移寓客土已  
非善計重以水土不服老弱多病歛荒荐臻十日計  
活全沒頭尾悔將何及要之老境一未了風霜只當  
任之而已西行之計未敢忘情而但力不能及耳方  
在故山當以歲前下去計料便促未克拖長

答李基榮乙巳

答姜允卿

存永○壬寅

腥羶天地大非出門時節令胤從昆季之闕却誦讀  
枉費跋涉於數百里遠程不亦志勤而事左者乎顧  
老朽伎倆精魄離散無以開發其茁然之善端者為  
可恨耳堂扁質而不文相愛之地豈不欲數行敷衍  
用塞詢莠而非只見拙適爾眼眚闢發不得如意少  
暇日月庶不食言而亦何可必也臨行止此

答姜允卿癸卯

幾息乾坤誰其依仗是則得執事於今日可謂歲寒  
一遇雖甚瘦軟能不欽仰精舍首末蒙此仔詳因念



程先生解剝卦以及於匪風下泉居變風之末之說而曰陽無可盡之理變於上則生於下無間可容息此乃所以得聖人作易之意者而執事此舉又可謂得程子之意矣其秉陽道於積陰激頽俗於橫流有以爲不食碩果者雖謂之功在世教可也至若記事之教固所樂聞而鹵莽鈍蹇老益昏妄兼此家憂關心事不掛念未暇奉副

答姜性甫 天秀○癸卯

向奉依依旱餘積雨蘓枯公私慰滿彼此一體從悉伊來侍奉唱喏一例珍重趨程課講近在何書道理

無休息人爲有間斷聖凡賢否於是乎判可不懼哉若其自外指目非只今日爲然欲一一計較則日亦不足愚故曰當今之時不出門庭吉者恐是爲三字符也感意何如

答姜行一 學秀○癸卯

客春往復後漠未承信老懷頽結一倍尋常茲奉珍幅文會輔仁言足聽聞甚感甚感毅菴樹立磊落田夫野老與人走卒之無間然而西風所及人心陷溺其不規以無理之舉而百般苛評者幾希乃貴邊僉尊不失好惡之正而深致尊慕之誠輻湊響應如恐



不及豈但偶然而已乃難誣之天理而不死之人心也誠能因此不懈矻矻晨夕則將見廓清氛穢天日復明而為一治之基本矣千萬勉旃

答宋可英

光烈○乙巳

仲秋顧存誦感厚誼而謂外情絨隨遞轉墜忙手披覽傾倒曷量因審邇來重省珍晏為學凡百佳勝慰賀無已僕入冬衰相又損於前面之日而窓下溪聲只切放翁東征之思而已示諭謹領而朱先生晚年專以孟子戒放心一章提警學者此蓋所謂老婆心切也然陸王之徒未嘗不以此語為口實而其意遂

欲徒然求得此心以為事了不復以讀書窮理為之先後則又與朱先生教人之意迥然不同毫釐之差千里之謬誠不可不察也要此一語乃是為學根基本領者最為要切處而從來只為無此一段故所為皆苟且滅裂應事頽靡而少精神觀理汗漫而不精切雖其見解之明及講說之所得摠若存若亡疑聚不上使用不著焉如此為學豈不擔閣一生旋念之誠可懼然也示中差失雖未至於如此之甚亦有一二相近似者存焉區區之意故欲相與從事於孟子此語專就日用間著實體察著實收拾以培壅根基



然後讀書窮理之功方有所歸著而得寸得尺皆為  
吾有矣諒此苦衷而勉之

答洪淳翊乙巳

手命遠及其慰可量今日事推其源委則寔由於人  
心之陷溺而昧義理之闕聖訓之弁髦而迷從違之  
方苟能各自改圖洗心易慮則千年周禮之邦豈有  
顛拔之至此極耶承尊閣七篇尋數玩味日有事在  
不扶之扶奚踰於是幸一意趨進勿以有利無名為  
勸沮之地千萬幸甚

答尹聖若 哲模 ○ 癸卯

能敬則理從此明善從此生故曰徹上徹下只此一  
條路子才錯足便墮坑落水去了古之人明見這般  
所在故開口便說畏說敬說戒慎說恐懼說集木說  
履冰臨淵

答尹聖若乙巳

時虞日甚戀想頗切際承寵命大慰侍學之珍晏而  
工程日就積累得多自有貫通處艷羨實深某一味  
衰相與病為鄰苦悶奈何示中同行異情云云只如  
飢食渴飲等事在聖賢無非天理在小人無非私欲  
所謂同行異情者如此此事若不會尋著本領只是



說得他名義而已說得名義儘分明畢竟無與我事  
湏就自家身上實見得私欲萌動時如何天理發見  
時如何其間正有好用工夫處而蓋天理常自若無  
時不自私意中發出但人不自覺正如明珠大貝混  
雜沙中零零星星逐時出來只於這箇道理發見處  
當下認取簇合零星漸成片段到得自家好底意思  
日長月益則天理自然純固向之所謂私欲者自然  
消磨退散久之不復萌動矣

答朴應八

奎元○辛丑

山門分解星曆一周雖在昏憤中能不依依小學一

書乃朱先生精力所在欲使後之人使之習於誠敬  
而所以收其放心養其德性者條例該備節目詳明  
可終身用之而有餘地矣茲承從事亶亶朝夕不置  
者甚可欽服幸以今日之心少不怠忽新而又新則  
予以進于遠大高明之域者將不難矣

答李仁化

職赫○乙巳

承讀大學兼或問甚善甚善所論昧然無得不知何  
謂豈爲文義難明抑爲體行不實此固不可知者然  
此書綱領條目本自分明有如繩貫棊局之不可亂  
其間精義妙蘊雖若未易究而章句或問又發明無



遺但能循序致精熟讀深思寧有難明之理只患不能真實體認真實行得則雖誦得口角瀾翻說得天花亂墜而亦無益於得矣僕亦病中竊自點檢日前為學只是虛名都無實作以此朋友相從者亦皆一例悠悠絕少進益自誑誑人之罪誠不可贖自今欲痛相戒飭小收棠榆之功幸察此意千萬勉旃

答宋允良

相弼○癸卯

日遲如年懷人益切即奉手命展讀眼青不獨寒暄二字之為萬幸第喜其抖擻振勸之意出入數等將此勇力朝夕靡懈則庶見其得力如愚老耄並與其唇吻誦念而廢却已久只得以是就木可哀莫甚復何餘波敷及於外人也耶示意謹領而高祖有服則祭及四世乃是正禮最長房不能祀而宗家之因舊攝事來示得之此外別無好道理矣此雖淺近禮節而亦不敢大言質正耳

答宋允良 乙巳

示中道體之說謹領詳悉而蓋道體流行於日用之間無有頃刻停息故必有事焉而勿正不容毫髮安排故須勿忘與助長然後心與理一而道體之在我者無虧欠無壅遏矣朱子嘗曰這道體須是見得是



如此了驗之於物又如此驗之吾身又如此以至見  
天下道理皆端的如此了方得如某所見所合又非  
自會說出來亦是當初於聖賢與二程所說推之而  
又驗之於已見得真實如此朱子說此以座下平日所  
養之純正須先從義理顯然明白平實處做將去則  
積之之久漸解漸明以至於精粗隱顯一時融徹矣  
望更涵養以副遠悰

答車亨衢 大輪○辛丑

疇昔賁趾迥出望外言念春意曷可忘諸料表手珍  
八眼披展三復可敵百朋尊閣在小學一篇云從古

英雄出魏大之業無非自戰兢臨履上做起全寒暄是  
何等儒賢而其平生用力全在此書金清陰身任天  
下綱常而其少日工程則讀小學至七八百番平生  
受用不外此書此書實做人之樣子進德之基業幸  
勿以小子之學而忽之終身服膺勿忘勿助則將有  
無限好意味矣勉之勉之

答張亨五 奎變○辛丑

遠蒙不棄被以德音紙上假借且當別論辱眷何敢  
忘古人詩曰逢人只說三分話未可全拋一片心夫  
於對面交言之地猶尚云爾矧無斯須雅分而輕加



以千萬意外之說引重粧撰徒增富者之赧顏斷非  
相愛之道望須改圖蓋天下之事變無窮一己之私  
意難除政是大段猛者不至獲罪於天者乃未死前  
願言而離索多年見聞孤陋凡屬言動七顛八倒一  
無可為遠朋道者惟湖西士風多有可述就正者而  
各在近百里地不克以時會同者為可恨耳

答崔錫義

永昌○乙巳

鳶飛魚躍各止其所者無非天理之流行道體之自  
然也夫孰使之然歟蓋盈於天地之間者頭頭面面  
無非這道理而獨取鳶魚二物者以其不犯絲毫知

識而自然全體呈露妙用流行上下著明矣人何獨  
不然程子所謂與必有爭焉勿正之意同者此也若  
有意所事而才涉正助則便是私意隔斷不是天理  
之流行安得見活潑潑氣象哉

答李永三

潤龍○巳亥

夫道理天下之公物也苟其可人凡教意云云未嘗  
非分內事何庸讓與別人甘作暴棄而少壯蹉過老  
益頹敗徒竊虛聲自立於羞耻之場者久矣晨夕兢  
惕措身無地惟幸二三少友過從寂寞之濱麗澤輔  
益可謂歲寒一遇則前頭樹立大家發揮以其餘波



免者卷之三  
賴及朽物政是千萬之望耳

答劉聖元 昌善○辛丑

別懷黯黯久愈未已而途之云遠更承蘭言曷謂其  
易茲於料表珍函入手披展三反筆力精緻辭旨滾  
滾令人忘倦僕潦倒伎倆重以昏惰朝晝取為夕已  
漏忘似此貌樣自家軀殼尚亦收拾不暇有甚餘力  
可奉塞其詢莠之萬一耶只款款于心者海西一幅  
尊尚古道彬彬有鄒魯餘風者為座下一隊欽景也

答李希舜 孝植○庚子

大凡讀書只可依本分平鋪玩繹不宜引之使高鑿  
之使深而反害本旨蓋格物之理致吾之知是一時  
事既曰致知在格物則不得不曰物格后知至而不  
可與誠正修齊之添一其字者同條共貫其意自明  
是故苟有能盡其知者則這便是格物者也更無層  
節今之能知者異於是開口便說能知而謂之格物  
則未也此非所知者只見其物之虛殼乎幸反覆深  
省焉

答宋教三 洛英○癸卯

承示欲聞處窮之方殊令人惻然不知其為謀也此  
事誠是難處是以在聖門獨稱回也屢空不改其樂



而且以貧而無諂為難於富而無驕其不以此事者  
作小可者可知矣朱門人亦嘗有問古人多處貧窮  
不以異其心不知何道焉今值窮困若一切不問則  
理勢不容已若欲辦集未免有屈志醜顏之事先生  
答曰窮湏是忍忍到熟處自無戚戚之念矣此又見  
聖賢所以處窮之道只消一忍字此外更無他術然  
他日先生自言則又曰親年日高生事寥落入子之  
心不能無傷歎者在先生猶為此况於左右何能無  
介意耶

答崔汝欽

明根○乙巳

所論優遊之病豈有別方可治朱先生云知得如此  
是病只不如此是藥今若知優遊是懼則亦自策勵  
勿優遊而已何用問人耶大抵今日朋友皆無一定  
之志雖科程亦不能專篤做去况進在此者乎日月  
如流不肯待人窮廬之歎只在目前誠不可不努力  
也僕病祟頗苦而本火乘之以致彌留就木不遠但  
未聞道而死者是恨耳

答金壽卿

九敏○乙亥

秀南誤聞我有頭流之行枉費心力專此謂外之過  
可感亦可悚也因以惠幅伴墜謹悉秋清重省學慶



珍勝慰不容喻老拙間以眩暈見苦無非死候奈何  
家兒嚮往湖西之定山似當速還而尚今寂寥者亦  
是關慮處耳惠付尊先畢齋先生所著頭流山記一  
通奉玩才了不憎若親奉杖屨於名山韻水之間也  
今雖不能振作而固當十襲珍藏以為早晏間南遊  
之指南也

答宋心原

惟浩○甲辰

時事道路傳言固不可逐底准信而要之寔吾輩之  
夢覺關頭也升天入地斷無其路則惟有隨處照管  
不墜本分乃究竟法也而言之非難守之未易甚是

兢兢處也僕自歲前喘氣肆作打至于今終未奏效  
此亦將盡之證也只可任之而已貴宗老少遠地專  
枉曷不傾倒而病伏死死無一事可奉副其至意萬  
一者為可歎

答宋用直

養浩○癸卯

邂逅相遇適我頽芳旋貽睽阻曷勝紆糾際得手命  
如非不忘者存何以及此慰荒無容言且惜年矢之  
添而憂學業之未修者可想其朝夕唱喏之餘必有  
事在而閒慢說話也只將此心接續無間斷則安知  
無欲已不能已之好消息耶千萬勉旃



勉菴先生續集卷之二  
答梁達五 杜聖○癸卯

三度瓊函念擾未能一火報瓜然滿紙津津無非理到之言其所提撕昏耄者豈只日以德之愛而已哉所讀在小學云寒暄先生六十童子為後生柯則况座下之年纔到四十較之六十可謂少壯時節者耶僕年老病加無復振昔日之精神而日月不我與悔之何及惟座下勤勤孜孜以鑑前轍之覆焉賢姪稟姿詞翰將有大進之象庸是欽歎但求知於空踈如愚無一毫裨益實來虛往豈不愧汗耶

勉菴先生續集卷之一

勉菴先生續集卷之二目錄

書

答宗人太翼 柄善

答宗人用緝 鍾馥

答宗人華集 榮涉

答宗人義吉 敏西○二

答宗人敬現 鎮杓

答宗人敬汝 鎮璿

答宗人孔淳 鎮象

雜著



書贈鄭景晦

書贈曹景行

東夏

書贈柳公懋

敬秀

書贖宗人大翼

序

梅軒世稿序

棄隱遺稿序

野隱實紀序

記

孝子進士河公旋間記

孝子 贈童蒙教官閔公旋間記

栢菴記

紫荆亭後記

雲溪記

德隱記

郭孝子旋間記

錦坡小記

隱菴記

神道碑

僉中樞 贈戶曹參判金公神道碑銘



墓碣

成均進士龍湖安公墓碣銘

訓鍊院僉正崔公墓碣銘

墓表

同中樞張公墓表

忍齋崔公墓表

漢潭吳公墓表

司憲府監察金公墓表

軍器監直長南黎安公墓表

通德郎龍坡黃公墓表

贈司僕寺主簿醉隱南公墓表

贈戶曹參判金公墓表

學生吳公墓表

權文九墓表



勉菴先生續集卷之二目錄

勉菴先生續集卷之二

書

答宗人太翼 柄善○丙午

理仲奄逝之後影堂可謂無主而惟幸君在近地凡百周旋雖知不至狼狽而益加勉旃則先祖真影得免風雨之患而為其子孫者政是安心處也切勿泛聽前年雙寺過便行源處所留書丹聞在君邊而尚令遲緩者必是臨遠之致也照數出給行源為從後付來之計千萬幸甚

答宗人用緝 鍾源○癸卯



先施之得於人者時或有之乃於所不見之地又作  
題外說話十分吹噓亦近日文勝之弊愚所不取只  
所幸者吾宗之衰替莫此時若朝無一命之職野鮮  
千金之產見知中外苟全性命槩亦難焉况以功令  
餘派一變為古人之學而期臻昭曠之域者抑有幾  
入是則喫年七旬來初見之事也雖欲默然得乎唯  
祝因其已罷益勉其所未至以光吾黨

答宗人華集

榮抄○癸卯

示意誠然而當初愚意竊以為奇松沙所述叙事體  
制極其該備且以久遠傳信言之淺深優劣自有衡

入公評故不必論疊床之語而只將已意說去者畧  
乎云爾不為專無義例則從後變改亦涉多事愚意  
曾見八家金石兼二人之文而前後并刻者槩多有  
之則前面刻旌間記後面以賤子述作則於事實及  
揄揚之地庶無妨礙幸以此商量如何

與宗人義吉

鉉函○辛丑

生老近北緬仰東都渺乎若天門閬苑可望而不可  
親及其偶然決意拚死向前則千里真一席也豈無  
他人莫如我同姓政是著題語也而顧向衰伎倆難  
於忘返旋即賦別心焉頴悵迄茲未已困窮二字自



是吾輩本色可且勿言惟百尺竿頭更進一步不使  
得罪於傳世箕裘乃目下急務而世變日急政難住  
脚奈何何想座下亦同一情緒也宗未歸棲以後常  
在病席苦無好况下山日力勢固然矣謂之奈何

答宗人羲吉 癸卯

千里德音在他人尚云慰感况得於吾賢宗積阻耿  
耿之地者乎奉讀屢回可當百朋書後光陰又將半  
載謹詢靜體此時萬旺九黃泉石未知比舊在何如  
而課農晦跡甚合義諦欽仰攢祝不任遠悰某年來  
病狀有同崦嵫景色苦無世况惟兒輩喜過兼設大

同譜役遠近諸宗庶有歸一之望此可謂宗事之幸  
也但東京貴派以吾宗巨室未免岐貳豈非可恨者  
耶河東影堂幸已告成而聞其積債甚多此為可悶  
蘆翁得謗擊是尤全之毀無足為加損而聲討之舉  
至及於此漢則又可謂橫逆也何必嗷嗷三賢遺集  
之刊行僉宗誠力之攸暨也不勝欽歎

答宗人敬現 鎮約。癸卯

路左地僻貽阻德音動經周歲詹悵如之何茲者不  
意玆緘入手備悉間來省履動靜一例珍重生理蕭  
索自是吾輩本色不須作嗟悼語惟緊持素履力讀



古書涵養性靈以光吾宗是區區之望也宗末百病  
侵尋殆難支吾重以家故頻仍展眉無日良覺悶然  
譜役當茲騷擾明系叔族雖是可急不可緩者而事  
巨力屈將不知何以結梢耳

答宗人敬汝 鎮壩○乙巳

去六月廿八日所出惠音得之若驚宜即奉謝而時  
值身恙頻復遞還又違所料荏苒至此想或恕諒心  
其可安謹詢秋涼哀履動止更何似年形少康民情  
帖然是可為亂中一大幸至若國勢之漸臻弩末則  
殆痛哭二字猶屬歇后也宗末犬馬之忱不量而入

畢竟貽羞國家猶此苟全令人汗顏耳影堂主人奄  
至此境天不佑善何其甚也悲慘不可言虎巖老人  
雖幸諸節之姑無顯愆而鬱攸為災凡百蕩然云遠  
外入聞况也永歎而已

答宗人孔淳 鎮壩○丙午

疇昔逢迎屬在衆中在他人雖不記存其歷歷誰某  
而心焉耿耿於左右者以其同源也荐蒙眷意後以  
德音三復莊誦可敵對展敬悉新正侍養微愆動止  
珍崇慮慰文摯不容云喻宗往事不足言國步多艱  
危在朝暮而病骨怕寒尚闕奔問為之兢凜如臨淵



谷荷茲遠訊蚯蚓略伸

雜著

書贈鄭景晦

得於天而為叙秩命討之顯具於心而為仁義忠孝之實理本真實事甚切近求之斯得行之斯達目前照管惟在用心與不用心之間勉矣哉

書贈曹景行

東夏

儒曰此心釋亦曰此心儒之言心即此靈覺之用擴夫天理之全而祛其人欲之私故體用兼備而理事相得釋之言心以此靈覺之用認為天理之真而不  
知窮格以擴天理克治以祛人欲故體窒用偏而理事相違此儒釋之所以分不可不知也

書贈柳公懋

敬秀

溫溫敬恭德之基也勉勉篤實學之進也學要益智而謹心術之微德要日修而攝威儀之則目今士口騰理偷薄日滋余甚憫惻公懋勉旃實心懋學惟日孳孳勗奉天畀

書贐宗人大翼

今距孤雲先生已千餘年矣遺韻餘馥尚赫赫如昨日者可不知所以乎是必有不待形而立不隨死而



免者終身  
凶者為其後承思所以繼述萬一只讀聖賢之書講  
禮義之道誓不與流俗外誘同其歸焉者政是目下  
急務也姑書此以為後日相思之資云爾

序

梅軒世稿序

夫居大臣位任大臣責能成尊主庇民之功在一時  
而遺風餘烈足以稱思後世者唐宋以來蓋亦間世  
一值而取之我東則麗朝侍中曲城廉公悌臣亦庶  
幾乎此者矣公以世臣舊德歷仕五朝出入將相事  
功名業之著在史乘者固卓卓然無以議為又放平

常大槩則以親君子遠佞人為進戒納約之大本公  
銓選薦人才為御世鎮物之要道而至於臨命眷眷  
以日慎一日永終是圖告於其君者不啻丁寧依然  
有古大臣風雖值國運中否綱紀風俗無可為者而  
身佩安危三十年君子小人並受其福宗社生靈賴  
而扶持者其為功又何如也肆天佑人順壽過絳縣  
老人者六三子騫騰並登台司而其退身江湖益勵  
晚節能為百世為人臣子之勸者殆可與汾陽潞公  
相為伯仲不亦賢乎噫大臣之貴一也古之人為國  
家長遠慮如是其忠且盛也今之人猶恐君位民命



之或得保全於萬一而與亂同事惟日不足者亦獨  
何心使得如公者數人置之廟堂以展其蘊則未論  
其他輔翊主勢之孤危鎮定姦宄之反側者庶可以  
少紓目前矣顧公之著述不時收捨重經兵燹所存  
只詩文若干首後孫在棻宅洙閱遺響之日遠痛世  
變之無窮哀聚古今文字關公始終者以類補八附  
以菊坡東亭清江名蹟名梅軒世稿將付剞劂主管  
者在淳章洙建洙而在棻宅洙請余一言申之竊惟  
生數百年之後尚論數百年之前非膚淺伎倆所可  
率爾而特所感者存不敢以老病辭

棄隱遺稿序

道學節義一致而非殊塗是以學問必宏深而後秉  
執尤卓爾自古及今固或不爾而若稽 崇禎之末  
華夷以數之一大機關上自公卿大夫下至草茅隱  
淪義秉尊周趾溼帝秦扶綱常於既淪聲大義於天  
下使被髮左衽獨免於吾邦者蓋可數而棄隱處士  
奇公諱義馭亦不可謂非其人也公生於服齋高峰  
而先生之門攜染家庭德業聞望蔚然為南服師表  
而沙溪先生之號召兩南也當時食君衣君風力一  
方者不為無人而必起公於布衣淪落之中蓋以學



術既如此則氣義必如彼云爾而羽檄所至義士如  
響敵愾捍艱將朝夕是圖而中途罷兵志事未遂則  
深藏不市息影滅跡將與草木同腐君平既棄世世  
亦棄君平蓋其自號之本意而凜然有陟西山蹈東  
海之志雖以當國柄用近在服內而不敢萌心於汲  
引泥塗軒冕窮餓巖林果其素定也若野謂緼袍華  
於佩玉飲水甘於列鼎雖在大有之世志士或有然  
爾而華夷人獸之日不可以坎壈無知而少之也所  
論治隱節義亦其身有之故言之親切而有味所著  
太極吟所謂一理已具兩儀前俗儒寧識散為千蓋

於一原散殊之妙真知的見後世主氣紛紜亦所先  
見而憂深慮遠者亦可一蔽於全鼎美何所謂學問  
必宏深而後秉執尤卓爾者讀此稿而尤章章明矣  
根深而枝茂源清而流潔逮至曾玄如松隱樂菴諸  
公學高行修矜式鄉黨至今以文行古家見稱近世  
又得蘆沙先生於傍孫以太極性命之學立赤幟於  
一世力排主氣卒歸於正是以知奇氏家學之正厥  
惟久矣今得此稿而讀之文雖畸零蓋可有而不可  
無尤不禁高景之思後孫東老曾於蘆門有面十舍  
潦程紆顧余于薇巖山中致其門長老之命託之玄



晏曠感之深不得以病廢一例牢辭

野隱實紀序

名者實之賓也有其實名自隨夫孔徒三千如十哲尚矣以下諸子未必盡能與聞於性與天道而生聖人之世遊聖人之門則其為聖人之徒優矣萬章公孫丑之徒不過為枉尺直尋之論者而浩氣性善之訓因其問難發揮到極而開蒙萬世則一時交際答問之功又曷可少也哉湖南東國之洙泗也碩人逸士磊落相望而若故野隱朴公則尤有異焉稟姿踈曠平生不以榮辱欣戚置方寸間斷迹公車放情物

外每春暖秋涼輒二三同志出遊名山韻水興盡而歸歸必過蘆沙竒先生備道某山某水景物如何先生欣然酬答曰使老夫斲屨江山臥遊惟道兼是賴道兼公字也以詩以文以答其意蓋許其高尚志事不受外物惹絆者如此噫俗尚奔競人心士風日就汚下而知德者鮮是則公之得先生殆不遇之遇也安知世之好古尚論者不一體載錄與孔氏世家遷之列傳同其一例而傳之久遠也歟公事親極志物奉先無闕儀喪祭二禮必依程朱定論而行之常愛石潭要訣口誦手抄訓迪子孫尤見其所養之有本



也公之胤尚錫爲其遺編之將入梓也要置一言於  
卷端不敢以陋拙辭公諱廷奎居錦城北芝山自號  
野隱居士云

記

孝子進士河公旋間記

當子即位四十二年乙巳五月 命旋故孝子成均  
進士河公載源按狀公晉州人蚤孤執禮如成人奉  
偏慈極愛敬可口適體靡不畢給至其年益高病益  
深坐臥便旋未克自任則輒衣不解紳夜不交睫周  
旋侍側罔或少懈者其實事也噫表厥宅里樹之風

聲粵自三古未之或改而我東則尤彬彬如也第自  
納洋以來一變而爲壬午再變而爲甲申三變而爲  
甲午乙未凡天經地義民彛物則之寄在政令施爲  
言語文字之間者浸淫剝食蕩無餘存惟茲旋別之  
典徃徃流及於草野寂寞之濱者其故可知也蓋人  
有是心其德曰仁仁主於愛愛莫切於愛親乃衆善  
之首百行之原自生民以來迄至于今世無汚隆人  
無馴暴而卒改易此不得殄滅此不得天地有時而  
壞此道不壞日月有時而晦此道不晦故雖以堯舜  
之道亦不過曰孝悌而已則嘗茲西瀾滔天人欲橫



流之日一線名義不絕如綫者非只河氏一門之慶  
抑亦亂極思治之機緘也歟河君兢鎬南為時舊要  
也千里問記事左志勤不容以陋拙辭是為之書

孝子

贈童蒙教官閔公旌間記

上之二十九年壬辰因永同儒生韓哲履等上言

贈故士人閔大懌童蒙教官尋命旌表烏頭赤脚  
動色鄉里論者曰閔子孝子也致天人之感而荐蒙  
恩典其宜也哉謹按閔氏驪興故家家法淳謹無外  
慕孝友詩禮乃茶飯青氈公稟性絕異愛親敬長自  
幼如老成人見隣兒嬉戲爭鬪有詬及父母者輒正

邑規警及長家素窶無以為養謂人於事親養志為  
大而口體亦不可不念遂服田力穡勤儉節縮成十  
許間屋子若干頃田土或結網給漁人或出財付屠  
漢鮮魚五日二貫黃肉十日五斤為定式務極甘旨  
不下三釜外此有非時難求輒躬往市肆凡買物一  
依定價不自我低仰丁母憂食素居廬未嘗入內三  
年如一日父患蹠種百藥不效人言馬齒莧當齋時  
積雪覆地忽見廡下有數本色葉鮮青遂採付其汁  
立差事伯兄如事父晨昏必起居已雖不嗜飲而常  
置酒迎接務盡其歡常以早年喫窮不克從事書冊



為溪恨對羣子弟懇懇言人而不讀心地墻壁識見  
茫昧實是有耳目口足而聾瞽暗政者類也曷不哀  
汝等勉之蓋其篤於內行而眷眷於垂昆者有如  
此無愧為宗族稱孝鄉黨稱悌之吉士也然倘無好  
子孫善述志事保得天顯民彝之正者當茲天地閉  
塞之日發揮闡揚斷不能若是于于也吁其偉哉旋  
在永同治北吉谷里扶桑村即孝子所居云

栢菴記

水陸草木遇夫子之聖而見稱以歲寒之姿者松栢  
為然釋之者又以士窮見節義板蕩識忠臣同其比

况則其意可知也是以凡水邊林下吟軒嘯榭柱顏  
楣額大半是松字去處至栢也凌霜傲雪四時蒼  
然等是一類而鮮見取焉主翁之獨引以為居室之  
扁者無乃以手自栽培資飾田園而所愛者存歟抑  
亦取朱先生樓下吟栢之歎而願學其意者歟由前  
則事屬尋常衆皆可能非翁所獨由後則負重任大  
又不可容易擔承蓋內而不能無氣欲牽引之端外  
而風化習俗又從而驅迫之矣或欲如屹然不僵之  
老栢其可得乎是處之有道惟於多少義利撞擊處  
須一劍兩段不以富貴而易其操不以貧賤而移其



志不為有利而勸不為無名而沮惟義是從拚死向前則心體一立無憂乎倒東倒西之弊矣是則孔朱二夫子開示後人之眷眷至意而於翁之事實或可為反省之一助也病閣筆硯辭不達意聊書之如此以付翁之胤基權甫

紫荆亭後記

五穀種之美者苟不用天時順土利加耕耨培壅之功其終也荒踈鹵莽反不若穉穉之有秋於人何獨不然夫孝悌順德也稟於天而具諸心不假借自足宜其易知易能而民不興行戶罕可封之俗邑鮮忠

信之士者豈曰降衷之有異抑以為風氣習俗所牽引搖奪而昧公私大小之別耳誠能察此從事於講磨討論不止外面之名目而已焉則凡在日用當為與不當為之條理節目自然昭晢呈露雖欲亂之不可得也余於紫荆二字有以見主人翁命意直出於力行自得非偶然襲取為一時觀聽之美者審矣非資質之美講貫之精烏能焉聊書此以寓嚮遠之意主人為誰光山金相純相麟也

雲溪記

淳昌李君萊信訪余至定山山中因留為三餘之做



免者...  
歲暮將覲請記其大人雲溪翁燕居之室余謂名實  
相稱夫以有我之心託無情之物而曰雲也溪也者  
其義何居焉豈翁居紫陽山下數十年讀晦翁之書  
講晦翁之道晨夕羹墻不啻若親承謦咳於考亭寒  
泉之間及其西澗亭墟石塘草弗而一部陽秋無地  
可講則竊或有感於谷雲潭溪之依然自在而寓高  
山景行之思者乎抑以時丁板蕩不忍淪胥之慘而  
思欲救援於萬一如坎象之待雲雨水泉而致心亨  
有尚之功也耶抑遊神方外戴角巾携藜杖一觴一  
詠逍遙徜徉於窈窕潺湲之境以爲樂而已者耶由

前則尚友古人恥志林樊不失爲小貞之吉由後則  
處非其地事不容易與物俱往君子不取惟心不役  
於物物乃役於心然後彼雲與溪之無情者亦將爲  
我之實用而不歸於玩物喪志之歸也君於反面之  
日其以此言告之也

德隱記

羅州鄭氏德隱翁世居咸平之有德山下幼經服禮  
老而彌篤其言曰山有德村有德德不孤尚其德飽  
其德德不陋儉其德晦其德是以隱庶矣哉言遠人  
不可見而其心若可見竊欲表而著之以警夫喪心



而失德者蓋有是生則必有是心有是心則必有是德何以謂之德也以其出於天之所命而非人之所能為也愛恭是仁禮之德宜別是義智之德是德也各在當人之身初無古今物我之別達於日用之近亦非高遠難行之事特以氣拘而牽欲熾而蕩一身無主萬事無綱自聖人未始不兢兢也於是乎有執德信道進修之說皆所以揃惡而培善細人欲而崇天理也一自王政既熄夷降獸食而六合懷襄則君子小人並失其養近而四體尚此照管不及况其進於此者乎無怪乎淪胥以亡而為西洋真胡之服役

也蓋聞翁持躬以義御家以禮有德有行望實蔚然槩以言之所謂忠厚惻怛不啻乎愛之理而有以全其心之德者庶其近之余鈍根無聞昧於省察懦於克治居然迫崦嵫景色操筆記之罷無愧乎倘或因此提警知所用力則亦翁之賜也遂書之

郭孝子旋間記

不朽者三太上立德立德伊何孝弟居先萬頃郡故郡守郭文煜系出玄風其先曰都承旨魯齋公都其禰曰孝子 贈戶曹叅判米容也自在齟齬孝友天植父母所不欲不敢為必咨稟而後行稍長自傷無



資養或買樹或漁樵備供甘毳齋葷露禱願代刀圭  
湯劑靡不用極執喪毀幾滅性禮無不備雖喪餘常  
如袒括時不御酒肉必致如在事兄問飢問寒如凍  
水之杵伯康又善周乏丙戌大歉賴以得活甚衆此  
則孝思餘波也其妻宋氏生有至誠事舅姑殫誠盡  
禮一如其夫之爲儘可謂兩美足休也歟今 上甲  
辰以鄉道薦俱蒙表宅其子址錫克紹家業輕財惠  
人尤篤於慕賢玉山三賢祠中經廢撤鞠爲蕪草者  
數十年設壇享祀方在屬耳而事力所掣役未易  
則特出財以助之此皆人所難能而所謂孝子錫類

者可驗於斯歟鄉之人士齎其孝狀丐余一言以記  
問余惟情事未伸苟延一息極知靦然安敢自擬於  
揄揚人善但今世變日深遺親後君之輩接跡而起  
其或有體此孝子之心移孝於忠茂私於公以基變  
否回泰反危措安者耶請書此以爲過是問者勸

錦坡小記

山水之在地層岫短岸小溪溪洲有未可以數記而  
其間俗名淺陋不足聽聞於人者多矣湖之谷城山  
云天德水曰錦溪處不幽僻而名甚典雅古人命義  
雖遠莫之詳而其爲錦坡趙君龍慶今日之有則似



若有待而非偶然焉君以有為之才不露一第而見  
躡於世反遂初服友麋鹿而居木石事少而閒寧不  
厭日長而濁醪可斟却掃深棲夢絕要路所與周旋  
者非園翁則野老談論竟日爭席何嫌而又烟嵐變  
態景物相尋圖書四壁俗紛都拋頽然自放享清福  
於田野之間而不知歲月之忙則其得於山水之趣  
者顧乃何如而又奚暇夫外慕哉記之有無不須較  
也君之胤愚植作而言曰旨哉言此吾大人之意也  
願以是為之記

隱菴記

隱豈願乎哉乃時使之也鄭居士奎采早業功令累  
入場屋不售有司才非不足于斯時也關節肆行要  
諾多岐雖使昌黎作文義之操筆莫可奈何世之為  
士者知其如此而不能脫出以灘頭暮竿終是待魚  
而不歸不亦愚乎居士能勇於自罷不復著舉子儒  
巾而躬耕讀書教養子孫以為終老之計而自號曰  
隱菴請余為記余曰此非君平棄世而世棄君平也  
士之道出與處而已苟其時也則出而試之非其時  
也則懷而藏之此固平坦道階而能識時者幾入今  
夫居士之隱雖不敢擬於懷道不遇尚志不事而其



識時甚明自斷亦果足為末世之高蹈也後之作東  
韓隱逸傳者或不無取何待記為

神道碑

僉中樞

贈戶曹叅判金公神道碑銘

并序

竹軒金公自少以孝聞享年七十七而以今 上癸  
未卒于寢越三年乙酉宗伯 啓聞特 贈嘉善大  
夫戶曹叅判兼同知義禁府事並旋其間壅在宣川  
東林邑坐之原嗣子日鉉等用二品儀制將伐石顯  
刻使其從父弟琬鉉南走千里問銘於余余重違其  
孝思不敢以不文辭謹按公諱履純字亨舉系出慶

州鼻祖曰高麗太師諱仁瑄入我 朝有開國功臣  
諱礎世襲簪紱至諱孝文以江華守坐事遷義州子  
孫仍居焉後徙龍川今為宣川人九世祖諱壽億壬  
辰倭燹與子弟姪五人並錄扈 聖功八世祖諱義  
龍與從氏仁龍立愷深河之役而乃仁乃賢之振武  
於甲子倡義於丁卯亦公七世傍祖醴源芝根有自  
來矣曾大父諱益柱大父諱天弘父諱九用俱有行  
義妣江陵劉氏碩龍女公以 純祖丁卯生天賦秀  
異年纔齠齒能序別長幼坐立有常處得善果珍食  
必懷而獻諸祖父及父母讀史畧至終篇問十三列



國秦居其一而結語以十二者無乃擯秦爲夷狄不  
與中國之會盟也歟對者不能難挾書隣塾恒念二  
親薪水勞將當日所授勤讀成誦趁晡而歸代執其  
勞成童前聲譽已藉甚焉及冠自以成人貴重恐恐  
然有不堪意間就蕭寺攻學績文每以一升米分排  
兩日糧如范氏畫粥故事以自勵一時士友莫不推  
重除幹蠱外不離親側常愉色婉容養極志物或有  
疾輒衣不辭紳夜不交睫禱辰嘗糞一心靡懈母夫  
人違瀉幾危醫云惟鳩鬼可治時值雪中公號泣求  
之忽有飛鳩入簷而免亦自罹于羅取而用之病果

良邑古人之冰鯉幕雀不得專美矣戊戌丁內憂壬  
戌遭外艱泣血毀瘠前後幾不全每當忌日必齋戒  
沐浴誠敬備至值丁卯初度遵程夫子當倍悲痛之  
訓禁家人設饌晚年家稍饒自奉甚薄嘗曰昔時貧  
窶吾親甘旨未能克也今免飢寒親不在焉此爲平  
生最恨者又曰人生親沒之後雖得萬鍾之祿徒增  
悲傷不足爲樂此則雖謂之終身慕可也與諸弟友  
愛篤摯衣服飲食均具有無以至教子姪睦宗族接  
朋友恤貧窮皆曲有恩義無一毫假飾觀史至忠臣  
義士致命立節處便激仰慷慨達於色辭身居僻遠



心懸王室 仁陵昇遐次朱先生挽孝宗十八韻以  
寓其於戲不忘之思 景陵大喪亦知之蓋其忠孝  
根天篤於彝倫者然也身幹魁梧面貌丹渥重厚簡  
默望之儼然冲和樂易卽之渾然存中發外一由真  
實無事不慎無物或遺爲詩溫厚微婉類多感發人  
意此又氣像性情之自然近道者也始由 淑陵叅  
奉歷司憲府監察陞通政五衛將 贈以貳卿用階  
梯也配密陽孫氏仁瑞女從 贈貞夫人墓合祔舉  
三男長卽請銘者副護軍孝友趾美次晶鉉次景鉉  
武科五衛將長房一男潤誠二房二男潤敬潤禎三

房一男潤相曾孫四男斗柄武科奎柄翼柄出系潤  
敬箕柄並潤誠出也琬鉉博學有文行方叔拾散稿  
名以竹軒寶記將付剞劂云銘曰

人有百行惟孝爲源誰無父母民鮮能焉允矣金公  
至誠根天善事令聞早自童年親瘠方劇嘗糞禱辰  
山鳩雪兔感應如神蹟公平生古人何愧黔婁王祥  
異世同類忠義古家不顯其光馳贈綽楔有此褒揚  
爵彼東林穹然其石余作銘歌昭示于億

墓碣

成均進士龍湖安公墓碣銘

并序



健陵顯俊野無遺賢時則嶺之東都有龍湖安公以  
翔鳳屠龍之才居紅腐貫朽之積纔登上庠薄視名  
利遊心物外古所謂志貫宇宙勇邁今古者庶幾近  
之而惜乎世鮮知德董生邵南之行刺史不能薦而  
堪巖以終也謹按狀公諱宅中字華彥龍湖其號也  
安氏籍廣州其先自高麗大將軍邦傑始奕世絳組  
爲東方著姓傳至弘文校理宙號耻菴絕文百齡疏  
斥元衡三傳至永命丙子倡義官直長號大明處士  
者其七世也曾祖聖民祖義貞考國石皆隱德不仕  
妣月城孫氏驪州李氏公孫氏出公天賦秀潔聰穎

絕倫纔學語能解文字及就傅不煩提擲力學不懈  
自經書子集以至六藝百家類該貫淹博援筆成文  
淋漓滂霈輩行皆讓一頭地公有深愛於親侍側未  
嘗有惰容憂色睦於宗族信於鄉黨身不設邊幅口  
不道雌黃志氣確然不肯與世俯仰於邪正淑慝之  
際持論甚嚴或有變幻黑白而誣及先賢者輒厲聲  
叱呵不少容貸有言西學雖朝家所禁其術有可取  
如近日開化論議者公勃然正色曰士君子豈可與  
夷獠同坐耶驅曳出諸門從容謂倚人曰南之梧北  
之柳莫非羊欄犬閑而一綫未墜之道寄在我一區



東方凡在衣裳之族者當痛斥邪教不可一息留諸  
心目彼陷於利瑪竇湯若望等一種真胡之說恬然  
爲洋夷之篙矢者豈不痛哉蓋於其言議之正大磊  
落而野養之完厚剛方不可誣矣公筆法遒勁詩韻  
清絕有金玉聲少時以親命業功令中丁酉進士人  
皆推之以需世大器而公謂揆以吾祖辭官獻靖之  
義一小成亦已忝祖先矣遂卜筮于桂堂山下講服  
經禮樂以忘憂乃以 仁陵戊寅卒于州北虎溪之  
寢距生 英廟乙丑壽七十四塋後麓枕甲之原配  
月城崔氏同知屋女二男三女男長鼎潞次鼎温女

適李明祥進士李孝相李之煥曰元吉亨吉貞吉李  
樹紀妻長房出曰師吉處吉泰吉辛致幹李淳行妻  
次房出曰在淳在游明祥二子也曰魯修魯儒孝相  
二子曰元行貞行之煥二子也玄孫教鉉以曹君秉  
夏所述狀屬余隧道之文余不能辭銘曰  
抱陽負陰天地至誠卑夷尊華聖人本情彼哉憎經  
謂天可褻倒行逆施荐食國脉於惟我公向背明直  
屹立頽波衆矢之的亦粵洋禍論其攘斥我有所操  
誓不共溺刻辭阡途昭示千百

訓鍊院金正崔公墓碣銘

并序



致命遂志在古或難雖裨說流傳所不識何人猶可  
尚論而興喟况源原本本同其所出而遺塵播馥有  
足聽聞者乎余在古僉正崔公之為竊有所異焉公  
諱嗣朴字乃承其先慶州人軍資監叅奉雲亨同中  
樞遇水兵曹正即錫命崇仁殿叅奉道素是父祖曾  
高四世而新羅文昌侯諱致遠寔為鼻祖母月城朴  
氏生以 宣廟己亥卒於 仁祖甲申墓在府西臥  
龍坐丑之原墓近數百年闕顯刻無以別樵牧后孫  
秉浩熙範等相與言曰歲月滋荒不可使後人不知  
是祖之宅也謀立石而表之乃以前承文正字崔君

鉉弼珥為狀問銘於余余受而反覆不容默然蓋丙  
子南漢國家存亡之日也公以孤軍偏師敵王珣胤  
與有勞績如其勇如其勇以功罪賞罰之處置失宜  
苦口辨爭為異己者中傷竟至被誣逮繫而所守彌  
堅至死不變如其強如其強顧厥家文獻收拾不時  
有欠詳悉者為可恨然跡其本學宜出於無所為而  
為者叅奉公平日恒稱我家孝子遺書子孫託其豎  
碣墓前俾圖不朽者又見其父子間知己也配全義  
李氏男繼興訓練院判官孫尚瞻司畜署別提尚天  
尚齊並通德郎曾玄雲來多不盡錄若其事實大槩



略具原狀覽者恕焉銘曰  
此惟故訓練院僉正崔公嗣朴藏慎母嘯歌樵牧於  
其上

墓表

同中樞張公墓表

公諱景箕字士洪籍蔚珍高麗太師貞弼為上祖入  
我朝江界都護府使伯孫其十一世曾祖曰以鼎祖  
曰啓采考曰恭維通政外祖潭陽田禧鎮公天賦聰  
穎幼不與羣兒戲終日端坐讀書不撤塾師田公瑞  
臨甚竒愛之及長不屑博士業專心為已狂勢利芬

華一切泊如與伯兄景斗友愛尤篤得一佳味不先  
入口臥起出入常與共之閱理舊業老而彌篤平居  
無長物所從事者惟心經近思錄朱子百選等書而  
已門人請教每以立心如一日為恆入而無恆心為  
物所誘學不精專業不攻敝申申致意此其平日所  
養之篤有不可誣矣公生 純廟戊寅卒當 子已  
亥享年八十二以壽為同知中樞府事墓于郡北三  
十里上元塘蘆田負壬之原配貞夫人英陽南氏景  
洛女墓外青龍間二里丑坐原有二男二女長時聖  
次和聖女適南有榕田夏相孫男永銓永銖時聖出



永暉永爽永樂永夔和聖出外孫炳時炳雲南出炳  
稷田出曾孫元錫

忍齋崔公墓表

忍齋崔公國鎮字山五慶州人世居蔚珍之鵝山生  
卒七十一故三陟府使漢佑其十一世顯祖曾大父  
諱擎大父諱宗處父諱致岌妣仁同張氏本坐諱  
柱岌母蔚珍張氏公氣像魁梧性質淳朴罕言笑寡  
嗜欲自以蚤孤失學為平生恨晝鋤夜讀勤儉節縮  
貲業稍舒則奉祭祀接賓友收族為急先務又謂  
人生有本不可昧然於所自出使其胤北走八百里

至峒陰之白鷗洲上摹寫文昌先生真像奉還揭虔  
歲一芬苾如朱先生滄洲精舍已例使後嗣子孫闔  
境士類感發其奉先追遠尊賢樂善之心不能自己  
者決非能言之士所可彷彿其藩牆也不賢而能之  
乎可書也已去人張氏仁玉女有懿德一男二女男  
學永女潭陽田炳九英陽南好季孫男東聖東秀東  
洛曾玄若干人

蕙潭吳公墓表

頃在壬寅秋余還自方丈至朮禮之華嚴寺邂逅蕙  
潭翁於衆中叩其甲長我一年徵於外居今古道之



善士也信宿星散餘頰在心日有一儒生納門紙遂  
延而坐而問之則吳君名珽錫謂翁墓草已宿要丐  
賤名而為不朽計也慨念疇昔義難固辭翁諱啓烈  
字道範系出咸陽其先出自麗朝上將軍光輝八我  
朝有曰凌官大司諫燕山朝以直節著是為十二世  
顯祖祖得天考壽八妣玉川趙氏瓊溥女繼妣廣州  
李氏象翼女 純廟壬辰今 上甲辰其生卒塋在  
谷城長城洞先塋乙麓蓋聞公生未六月趙氏見背  
十歲丁父憂及省事以幼失怙恃為至痛事異顏之  
母如所生撫孤弟盡友愛性喜施予知舊宗族多有

依賴者間贊拜于蘆沙奇先生得聞道義之說後以  
疾病未克卒羣然好惡向背之正則雖其姿質之美  
而得在師門之緒餘者不可誣矣可書也已齊豐川  
盧氏光宗女蕙鴨綠西坐一男基準二孫長即珽錫  
次仲錫銘曰

孝友睦嫻等是天秩氣拘欲牽存者十一公乃何修  
鄉鄰是式真實為已古聞今觀謂余不信視此刻石  
司憲府監察金公墓表

故司憲府監察金公諱基潤字玉汝號鼎山其先英  
陽人諱自唐按廉使英毅公忠始科宦相承判尹成



劔判書理生監司學雍最著是十一世以上曰德采  
曰商鼎曰光洙曾祖祖彌妣新安朱氏考宗杰育四  
子公居季生 純廟庚寅卒今 上已亥塋蔚珍治  
北二十里蘓野平地丁原公五歲而孤成童失天只  
能啗素終制得孝子稱仲氏喪耦哭子難為養輒同  
室居住服勞多年庭無間言叔氏患背疽醫云青蛙  
雖當劑奈非時何公心焉憧憧不遑眠食偶於冰雪  
中得試立效人皆驚歎嘗言人雖至愚不可無教籛  
金換經笥為子孫肄業地以近先塋石儀未遑者並  
竭力經紀一新改觀以至聖廟修輯亦捐財幫助噫

務本敦實重義輕利能為其所當為欲其所當欲而  
不失為忠信善士抑有幾人可書也已配淑人慶州  
崔氏履祿女先公卒墓各窆三男一女男長源根次  
漢根準根女適士人陳恩浩孫炯文炯武炯道炯政  
源根出炯文重趼數百里問刻於余竊詳田君鈺相  
與公同鄉井所錄皆考實無溢辭宜可信遂略加刪  
潤叙次如右後之人庶有以徵焉

軍器監直長南黎安公墓表

公諱永命字祈叟號南黎一云大明居士世系及子  
姓具先碣公生以 宣廟丁酉 仁廟南漢之役聲



免者約集  
言于衆曰仲連蹈海澹菴被謫皆以義理爲歸宿而  
置死生於度外者今建勢猖獗覬覦帝室吾東首擢  
其鋒此士君子見危授命之日遂傾家財備餼糧募  
義旅設方畧刻日登程至烏嶺聞燧成西向痛哭而  
歸未幾以薦除啓功卽軍資監直長供職數日而  
曰分外恩除雖云榮感告身中僭號二字可耻之  
甚也遂解官家居以終老焉及卒六耳堂崔公繼宗  
誅之曰大明居士氣英雄泣血殲胡誓九穹棺裏病  
骸應覺痛至今兒子哭雙弓紅羅家事爲堪憐四海  
沉沉化薤藟試看一輪秋夜月旂峰自有大明天墓

在川北面旂嶺良坐之原配月城李氏彥錫女嗚呼  
當今四海之內匪風下泉之思寢遠寢微慢天悔聖  
之教日新又新碩果東韓載胥及溺而其知有大明  
二字者蓋亦鮮焉則如公所秉義理誠可書而不可  
泯也遂叙次其梗槩如右謁余文者后孫舉教鉉也

通德卽龍坡黃公墓表

余爲黃君晉模文字其祖曾兩世於是晉模之懇又  
欲並及其先君龍坡公而不已焉則遂敬應曰人樂  
有賢父兄孝子仁人之常情而世級愈降人心陷溺  
其不能樂有而反以爲昔之人無聞知者何限竊詳



於公之大槩則事親而盡愛敬之情處兄弟而無物  
我之間孀嫂孤女之到底矜憫也歛歲民衆之濟活  
無數也不過以父祖之心行父祖之行即其物而行  
吾之道而已處其事而盡吾之性而已則孝友詩禮  
是公家茶飯物事書之無所加不書未為闕至其變  
秀才為學究楷字細行飛白之工於書法而人稱以  
逼真者不可不附見公諱潤觀字聖九聽溪堂 贈  
戶曹叅議勉基孫孝行旋間夏錫長胤妣全州李氏  
錫龜女士系具先碣生 純廟丙子卒於今 上丁  
丑塋津下面德峙坐良之原配廣州李氏考鎮一墓

各變六男二女男長廷模次永模俊模江華分教官  
過房競模棋模晋模咸安尹喜奎長興任崇鉉婿也  
孫男炳郁繕工監假監役炳五出系女礪山宋源勉  
次驪興閔致圖曾玄以下不盡錄

贈司僕寺主簿醉隱南公墓表

公諱溟翰字雲若自號醉隱南氏宜寧大姓不須譜  
焉曰容曰尚德通禮院引儀曰贊司評曰有温光陽  
縣監是考祖曾高秋江先生孝温其從高祖也妣南  
陽洪氏忠義衛應慶女公以 隆慶壬申生於漢師  
之墨寺洞居笏稟姿秀異文藝夙就年纔弱冠為儕



免者終身  
友所推重壬辰倭寇猝至士民鳥獸竄公與伯兄淇  
翼奉母夫人避地南下中路忽遇賊伯氏被害顛倒  
至金堤別業歇泊數十年取近先塋移居礪山之公  
村斷跡公車混迹漁樵為終老計嘗謂人非學問無  
以考聖賢之成法識事理之當然而其本自事親始  
晨昏定省滫瀡甘旨必誠必敬罔或怠忽已而母夫  
入遘疾嘗思野鷄公食不以時衣不解紳遑遑焉如  
有求而不得俄而畜犬咬一雉而至遂供之隣里驚  
歎以比王祥之冰鯉及其丁憂過乎哀水漿不近口  
塋廬墓側以終三年制闋朔望省掃不以邪寒暑雨

或闕蓋其所性即然非出勉強也在昏朝時聞鄭桐  
溪安置濟州草疏數百言將欲伸救適因親疾未能  
焉則以授其門人宋興周使之叫闕沙溪金先生講  
道林樊從學者衆而庠舍不容焉則又為之發文鳩  
財營建書室於兩湖之間黃山之下為士林藏修之  
所冬夏肄業之資其尊賢衛道之誠又如此有遺集  
若干編藏于家享年七十三卒於 萬曆甲申墓于  
樟項坐乙之原夫人慶州金氏合窆二子長斗建詩  
禮克家次斗文內外孫若干人 肅廟朝因閔文忠  
鎮遠奏議追 贈承務郎司僕寺主簿士林建祠俎



豆距遺址數里而近謂之鳳谷院 當子戊辰罷十  
世孫廷龍請余為豎表之文遂就其本略加點竄如  
右後之人尚有以考焉

贈戶曹叅判金公墓表

公諱起益字君謙塋在公州治西八峯山南麓癸原  
金氏其先金海人父夢鶴 贈掌樂院正祖汝春曾  
祖應祥武科宣傳官高祖運興通政大夫全羅水使  
忠簡公竹岡諱普石城縣監永純其十四世祖及九  
世祖也母 贈貞夫人朮禮張氏考察訪萬起公生  
天啓丙寅卒 顯宗庚申以孫貴 贈戶叅賦性謹

厚笑語以時喜怒不形事親無違禮接人極謙恭為  
鄰里所推重配 贈貞夫人韓山李氏桂楠女柔和平  
靜淑有女士風墓祔左一男俊賢武科折衝 贈工  
叅孫男長廷屢次廷和官同中曾孫男漢胄漢胄二  
子長慶碩有六男次恭碩長男聖興出后李父次聖  
彥聖民聖臣聖佑聖集廷和二子長萬胄次瑞胄瑞  
胄二子長安碩次光碩出后萬胄餘不盡錄其所居  
里名曰山峴距余龜數里而近皆安分守拙孝友淳  
謹一無為匪義事于以見積善之餘慶而家法之未  
艾也墓久無刻後孫冲方立石以警樵牧要不佞識



之如右後之人庶有以攷焉

學生吳公墓表

有人於此其世遂其事也無徵無徵則雖無傳可也然墓不可無表又不有以識之將不知爲誰氏所藏而嘯歌樵牧於其上此孝子慈孫所宜兢兢也吳君錫謨袖其九世祖遺牀遠自海西之平山跋涉數百里諡於不佞曰吾先祖以簪纓世家生當宣仁之際坎壈遯土雖無可稱其孝友立身詞翰鳴世乃數百年來以心傳心以口傳口之家庭舊聞而無記寶文字可以憑準只曰諱澤字允叔系出高敞麗朝

翰林學士學麟寔爲鼻祖傳至季孺封牟陽君佐理安社功臣逮至本朝禮儀判書六和忠清兵使淹羅州判官榮廣興奉事景福副司直冲鶴曰守正六世以下妣全州李氏清風縣令哲玉女生以萬曆甲戌卒於甲午壽八十一墓在府南蕝田洞亥麓配坡平尹氏執鐸女有婦德墓附右子男三人長復仁次復禮孝贈叅議次復智長房男瑞珪瑞璋瑞琦瑞瓚二房男瑞瑜瑞琦瑞璉瑞琰自是以往至今蕃衍無慮數百人此其載於譜乘者然也其言宜可信願加修潤資飾阡途噫源遠則流長根深則末茂物



皆然至於人奚獨不然故曰積善之家必有餘慶又  
曰孝子不匱永錫爾類公其庶幾乎此者歟遂依狀  
彙括如右後之人庶有以攷焉

權文九墓表

君諱弼煥字文九姓權安東人高麗太師幸之後入  
我朝有曰濟司僕寺正師事寒岡鄭先生號霜巖  
乃君八世祖也曾祖諱思燦祖諱叙夏考諱秉天外  
祖盆城許柝君風骨魁梧軒軒有丈夫象事親孝析  
居稍間問寢臨祭不以風雨有闕與兄弟友對朋友  
輸盡心肝韻致豪爽晚好誦讀下尚書晨宵矻矻將

次第以及羣書而不幸卒於今 上甲申距生 憲  
廟乙巳壽近四十惜乎其苗而不秀也塋外文慶先  
塋娶豐川盧氏光琦女無育繼娶南原梁氏致深女  
生一女適慎宗軾以仲兄子載采為嗣銘曰  
氣之粹者鮮厚捨司命乎將誰咎有傾其容有確其  
守蘊斯美而何施哉不培乎耕不穫外慶之阜先兆  
之側有寧一宮千秋是宅



勉菴先生續集卷之二

Blank columns for text.



